

東  
華  
續  
錄

臣朱壽朋敬編

臣汪錫增恭校

光緒三年丁丑春正月丁巳朔 上詣 奉先殿 大高殿 壽皇殿行禮○己未欽奉 慈禧端佑康  
慶昭和莊敬皇太后 慈禧端佑康頤昭豫莊誠皇太后懿旨著派惇親王奕誼恭親王奕訢醇親王奕  
譔軍機大臣禮部太常寺堂官於本月初八日前往 太廟中殿敬誦相度穆宗毅皇帝孝哲毅皇后永  
達泰安後神牌升廟供奉位次○命景廉在軍機大臣上行走○諭沈葆楨吳元炳奏特參玩視人命之  
知縣請旨革職一摺江蘇前署桃源縣知縣湯估昭於孀婦朱周氏被搶服毒身死一案並不據實詳報  
實屬荒謬湯估昭著卽革職朱周氏著該部照例旌表○辛酉祈穀於 上帝命世鐸恭代行禮○諭文  
格奏委員運解木植赴京緣單呈覽請飭沿途照料一摺天壇皇燈桿木植現經文格委員採辦齊全已  
派原辦委員巫山縣知縣武震押運並添委試用通判莊思恆幫同運解於上年十二月十三日自嘉定  
起程沿江由江蘇上海縣出口航海赴津著兩湖兩江江西安徽江蘇山東直隸各督撫將飭沿途地方  
官妥爲照料接護其運抵上海時應用何項海船裝運出洋並著兩江總督江蘇巡撫飭令上海道察看

情形妥籌辦理運費或有不敷一併先爲籌墊咨明四川歸還委員武震莊思恆酌給議敘以示鼓勵○

癸亥 上諭 太廟行禮○以榮祿爲步軍統領調成林爲左翼總兵以文秀爲右翼總兵○調載齡爲

吏部尙書魁齡爲戶部尙書以景廉爲工部尙書○命載齡以吏部尙書協辦大學士○以長敘爲禮部

右侍郎慶福署兵部左侍郎○以茂林爲總管內務府大臣○以全慶爲都察院左都御史○甲子時享

太廟命奕訢恭代行禮○丙寅寶廷奏敬陳管見一維正道江浙邪教盛行民受其害延及京師亦有

訛言縱緝捕嚴密遏其流難塞其源夫小民皆有天良何甘受其煽惑推其原皆由教化不行不明正道

故見異則遷孟子曰經正則庶民興庶民興斯無邪慝矣經果能正邪慝何有哉我 朝文教昌明庠序

學校教術宏多復做讀法遺規每月宣講 聖訓教民之道可謂備矣然奉行日久大半有名無實請如

不講擬做義學之規五城各設講舍二區巡城御史共司其事延本地文人主講宣講 聖訓及論語孝

經每日宣講任民入聽務須文宣道以俗情不妨粗淺必使人人能解或照粥廠之例經費山上 恩賞

或做義學之規由官紳捐辦不論住宅寺院貨家數極作爲講舍不可糜費外省各城鎮亦做此舉行委

公正殷實紳士會同學官集捐設立由地方官稽察務擇有力者攤捐不可累及窮民如有藉端招搖聚

衆歛財等弊即將學官紳士稟參易人經理三年無過許大吏保獎庶小民耳濡目染皆知正道不爲邪

說所載此舉雖近迂腐久之始見其效夫民之樂從邪教者非正道不如邪教能入人也聖經高深難通邪說淺近易解能解之故肯信之果能以淺近傳高深使民盡解亦何樂而必從邪教哉一儲將才求戰將易求謀將難從前太平日久人罕知兵大亂猝生四方瓦解軍行多年習兵者衆賴國家洪福天生豪傑以佐 聖朝用平禍亂然諸臣半皆老矣若不及早豫儲將才數十年後恐乏良將設有變起何以備之擬倣康熙己未乾隆丙辰召試博學鴻詞例特開一科令中外大臣薦舉深通武學熟悉時務之人自官員而至布衣皆許薦舉如有濫保罪其薦主其寒微難邀薦舉者由地方官出示招考願考者具呈督撫學政報考倣錄科例面試策以古今兵法當時武事嚴禁拾持懷挾擇其通達者錄送兵部宗室八旗內務府籍隸順天之人與夙在京服官應試者山兵部出示招考會同學政面試錄取各處薦舉錄送齊到兵部奏請 御試 欽派精通兵法大臣仍以古今兵法當時武事策之多用監試禁懷挾擇其深通兵法練達時事者取之楷法格式錯落一概不拘擬定等第恭呈 御覽酌授文職或留神機營或交西路軍營各處海防差委以資歷練而核實效果有實效保奏破格進用必授文職者取其運籌非責其戴甲也或謂以言取人難得真才徒多冗費竊謂天下之大豈乏將才特無途以自進 朝廷果破格求之用之必有可取者縱拔十得五亦可備他日干城之選勝於倉猝任用多所謬誤此居安思危之遠慮也

一納直言言路不開古今之大患拒諫者無論矣留中不報外無拒諫之名其弊實與拒諫等我朝優待諫臣遠勝前代 皇太后重出聽政二次詔求直言初次求言雖未一律施行而皆答以 優詔二次求言大半不報且於御史潘敦儀所奏嚴加譴責夫機密之言固不可宣示無關機密者或可或否總當明降 諭旨以便奉行若壹是不報求言何用潘敦儀所奏固屬謬妄而當求言之際似宜格外寬宥以養言者之氣邇來氣節日趨萎靡獎勵使言尚多顧忌再摧折之豈敢言乎去冬戶部理財一疏剴切詳明深中時弊正當嚴諭中外使同警惕乃僅以依議答之各省積弊夙深明頒 綸綍尚恐陽奉陰違豈部臣奏疏傳報卽能振作今後凡言者除事關機密者不可宣示其餘不論可否請皆降 旨曉諭有當施行者卽時施行庶以言日進國事實有裨益若依而不報或但以優詔答之徒使下沾直言之名上收納諫之美於事毫無實際則章奏多言如不言也一慎吏調督撫有封疆之責兩司爲督撫之輔厥任甚重或謂任重則極重久於其任恐有專擅之弊奴才竊謂亦視其人何如耳果得其人久任何害如必紛紜更調人地生疎徒受欺蔽焉能察吏安民近來吏調似近於繁文格始護川督繼升前撫未離川而旋改山東李瀚章久任楚督忽改川督尚未受篆又回楚省督撫如此兩司更不一而足 廟謨深遠固當別有道理然朝令夕改臣下實難窺測徒使大臣往來道路新故更代屬吏因而生奸小民因而受害

弊不勝言六部分理事務殷煩非久於其任不能深悉侍郎升轉每依憲綱此部利弊方知遽調彼部以  
新任之堂官臨久於其地之屬員書吏安望其黜陟允當情弊周知何如熟察其人果能勝任即使久任  
當轉者以本部之缺轉當升者以本部之缺升始終一部以資熟手其不甚相宜者可即擇缺另調亦不  
必泥於憲綱以免牽就外省之權重於六部苟有不宜尤不可牽就蓋効以久而始見弊以久而愈甚也  
再上元在邁步軍統領出示禁止張燈軍民皆當懷遵乃外間喧傳官中將大張燈火製燈甚多竊思方  
今庫儲支絀 皇太后躬崇節儉 皇上冲齡當勤學問豈肯輕費鉅款製此游戲之物市井訛傳斷不  
可信然人言未必無因恐係左右近侍獻諛貢媚思欲製此進獻以邀恩賜遂致民間聞風訛傳亦未可  
知請嚴察左右如無則已如有必當及早禁止且請明降 諭旨曉示萬民以息浮言奴才非敢以傳聞  
無據之辭冒昧妄陳因人言嘖嘖所關於 聖德國體者甚大既有所聞若畏罪不言大違有犯無隱之  
義用敢昧死入告宋神宗買浙燈因蘇軾言而止奴才固連遞蘇軾 皇太后聖明超越前代伏乞俯鑒  
愚誠宥其罪而納其言則幸甚矣 上諭國子監司業寶廷奏敬陳管見一摺據稱近年浙江等省邪教  
盛行請另宣講 聖諭以維教化等語宣講 聖諭廣訓憲典昭垂自應實力奉行近來地方官往往視  
爲具文以致有名無實著順天府五城御史各直省督撫學政督飭官紳認真舉行毋得稍形疎弛所有

設立講舍等事宜並著酌量辦理前經降旨諭令各路統兵大臣督撫保舉將材出具切實考語奏明存記原以備干城之選該司業請仿照博學鴻詞例特開一科試以兵法酌授文職均屬窒礙難行著毋庸議仍著該大臣督撫悉心考察如有堪任專閫之員卽行據實保奏以備簡用方今時事艱難朝廷博訪周諮原期下情得以上達中外臣工陳奏事件如有堪以採擇者無不立見施行亦有留中備覽及寄諭各省督撫等辦理之件豈能概行宣示至毛舉細故或所言未當每予優容正以廣開言路該司業所陳無論可否均請明降諭旨是成納諫之虛文轉非求言之實意嗣後中外臣工有言事之責者務當踴躍同治十三年十一月十九日 兩宮皇太后懿旨於用人行政一切事宜各抒所見隨時陳奏用副孜孜求治至意朝廷慎簡封疆大吏因地擇人各部堂官有分理庶務之責隨時擢用並無成見該司業所陳各部堂官各省督撫藩臬均令久於其任毋庸紛紛更調是未悉朝廷因才器使之心也另片奏傳聞宮中將大張燈火製燈甚多等語現在 穆宗毅皇帝 孝哲毅皇后梓宮在殯各省水旱頻仍災民困苦深宮宵旰憂勞豈敢耽心玩好至左右近侍前奉 兩宮皇太后懿旨嚴加訓飭當亦不敢以此嘗試該司業所稱自係傳聞之誤將此曉諭中外知之○丁卯載綱榮頤奏守護 陵寢官兵差務重要擬請按科填經費照給十成案數遵俸餉減成等銀下戶部議奏○戊辰故署盛京將軍刑部尚書崇實鑒極到

京派臧激賜奠○吳元炳奏本年四五月間民間驚傳忽有紙人剪辮打印黑獸魔人之事經臣飛飭各屬密拿嚴懲省城於六月間緝獲妖民馮阿吐等發交首府訊明稟經批飭正法此外江南北各州縣報獲邪匪凡訊有確供者均飭就地懲辦以懾匪膽而定民心業將辦理情形恭摺奏報在案嗣據長洲縣會同金匱等縣將前獲正法之馮阿吐供出傳授咒語分給紙人之許阿葆及其妻許徐氏一併拿獲解省發府督審該犯等因自知罪重供詞甚爲狡展當飭蘇州府知府李銘院督同縣委迭次熬審虛衷研鞫始據該犯妻許徐氏供認遇見不識姓名之外路口音人給其洋錢教令習學咒語施放紙人魔人伊告知其夫許阿葆均因貪利阿從習咒施放旋又轉傳素識已獲正法之馮阿吐一人此外實未輾轉傳授等語質之許阿葆亦供認不諱再三推詰供真犯實由臬司勒方倚親提覆訊無異錄供開摺具稟前來臣查許阿葆許徐氏二犯膽敢聽從邪匪傳習咒語施放紙人魔人並敢輾轉傳授實屬罪不容誅未便稍稽顯戮當卽批行臬司飭將該犯許阿葆許徐氏一併正法並勗取許阿葆首級懸竿示衆以昭炯戒現查江南北各州縣均無此等邪匪匿跡居民安堵如常堪以上慰宸廑所有編查保甲整頓緝捕實請奸賊之要務亦經嚴飭各屬實力舉辦臣仍當隨時詳加稽查督飭辦理總期匪戢民安斷不敢稍涉疏懈報聞○己巳翁同龢奏鄂省前因各路軍營遣撤勇丁多有逗遛在外流而爲匪貽害閭閻前



署督臣郭柏蔭前護撫臣何璟附片奏明在於武漢襄樊地方分設遣勇局委員經理凡有在鄂散勇均令赴局報名由局僱備船隻給予川資派員押送回籍所需經費文係在撥金項下動支歸入軍需案內造報應經辦理在案茲查漢陽黎龍軍務早平外來勇丁較少所設漢陽襄陽兩處遣勇局自應裁撤以節經費襄局截至本年七月初十日為止漢局截至七月三十日為止分別撤竣現在鄂省尚無散勇逗遛因聞亦極靜謐將來如有外省遣散勇丁過境持有文札護照可憑者由該管地方官查明咨送回籍以昭便捷而節糜費報聞○辛未 上諭 奉先殿 壽皇殿行禮○予瑞安縣員女陳賴氏旌表○癸酉諭御史王昕奏天津新城一帶營勇前歲曾經滋事本年正月初復聞譁潰數營之多一路搶掠竄入東省等語著飭沿途地方文武一體查拏○成定康病請解任允之以史念祖為甘肅按察使○以朔州知州姚官澄右玉縣知縣李其滋解審刑犯脫逃交部議處○甲戌沈葆楨奏元炳奏振蘇松太道馮煥光稟請親父候選知縣馮玉衡因案被議發往新疆効力咸豐八年二月煥光偕胞弟煥光隨侍出關十月抵伊犁成所親父命煥光回京會試九年投効宿松大營前大學士曾國藩委辦文案十一年綜理安徽善後局務接到家信親父於是年三月在伊犁病故當即稟報丁憂出關迎柩因路梗塞航海至天津取道直隸山西出歸化城行至七月距古城子八站地方回逆倡亂道途梗阻草地戈壁無可覓食狼

猥未歸旋經大學士李鴻章奏派總理江南製造同治十三年十一月二十五日奉 旨補授蘇松太道  
燈光父樞寄厝伊犁城外庶母胞弟存亡未卜夙夜疚心自維明發有愧罪莫大於不孝不可爲子不可  
爲人十餘年來隱忍至今何敢以熒熒在疚之身玷高位而速官謫現聞邸抄烏魯木齊瑞納斯兩城次  
第克復伊犁業已通行灑情稟請奏明開缺並派員接署俾得早日交卸迅速就道等情前來臣等查馮  
燈光從前因公進省迭次涕泣自陳當以關外未清無從前進一俟大兵告捷庶可西行由加慰諭茲聞  
所稟爲之惻然竊念蘇松太道一缺爲海關領袖馮燈光才堪肆應措置裕如接手之人頗難其選惟察  
核所稟實出至情至性 聖主以孝治天下臣等何敢殫於上聞可否仰懇逾格 天恩免予開缺賞假  
一年俾得出關迎柩歸葬出自 聖裁等奉 旨允准著賞假一年無庸開缺所有上海道缺由江蘇督  
撫遴員署理○丙子崇厚奏前因旺清門外邊民有滋擾稅局扣留委員情事曾經附片奏明在案奴才  
到任後當卽分飭興京副都統色楞額等迅卽查明分別懲辦茲據色楞額咨稱案內邊民吳汰以伊兄  
吳坤進邊懇請緩辦地畝正在訊問間吳汰竟敢率衆劫掠地局銀物並劫去委員以爲挾制地步情同  
叛逆雖旋將委員送回而局中所失銀物勒限未繳當經派隊前往將該犯等緝獲到案並起出銀物器  
械等件訊據該犯等供認前情不諱隨將吳坤吳汰二犯就地正法以昭炯戒其餘被脅各人均係鄉愚

無知應請從寬免究並出示曉諭安撫衆心等情前來奴才查該犯吳坤吳汰劫掠地局委員罪無可追現既就地正法已足以儆效尤業由色楞額宣明大義寬宥從邊民各安生業仍飭色楞額等認真彈壓以靖地方報聞○丁丑景瑞奏案查前任總兵慶錫於咸豐二年五月內奏修理河道完竣應申明舊例嗣後每年秋冬初清理一次於年終具奏等因一摺欽奉 上諭慶錫奏恭挑 東陵河道工程完竣請申明舊例等語 陵寢河道風水攸關理宜疏暢現據奏稱遠近河道業經一律挑挖衆水暢流嗣後仍應遵照舊例辦理 陵寢遠近各河道著令內務府禮部並鎮標弁兵於每年秋冬初敬謹清理仍著該總兵於年終奏報一次並著自本年爲始准其在於撥節歸公銀兩項下由永濟庫動支銀二百兩分賞出力兵役以示體恤至 陵寢羅圈牆外東西馬槽溝及三路三孔橋下堆積穢土現已全行除淨倘八旗值班官兵並內務府茶膳房禮部員役不知慎重卽著從嚴參辦欽此欽遵在案茲屆光緒二年應行清理河道之時奴才隨卽分飭該管司員將弁遵照舊例認真辦理去後現據內務府呈報 各陵宮門以內大小道俱已打掃潔淨禮部呈報 各陵宮門以外馬槽溝五孔橋以內河道俱已打掃清理並無堆積穢土鎮標將弁呈報 各陵五孔橋以外河道並東面涵洞內外河道均按照原挑長寬深淺丈尺逐處清理柴草一律芟割爾後淤沙亦均起除通暢等情呈報前來 奴才親往查驗均屬相符尙

無辜率情形茲值年終理合循例恭摺具奏報聞○庚辰延煦奏奴才奉命補受熱河都統陞辭後於光緒二年十二月十六日奉 上諭都察院奏熱河已革生員張振元佃民郭殿元道抱以官吏科歛民財移禍於人等詞赴該衙門呈控此案有無冤抑著延煦親提人證卷宗秉公研訊務得確情以成信讞等因欽此欽遵迨奴才到任准都察院抄奏咨交並據兵部將抱告張怡雲郭殿揚解到此案原係裕課局承辦奴才正飭理刑司員案提訊問又於本年正月初八日承准軍機大臣字寄奉 上諭有人奏熱河辦理騰圖請飭新任都統詳加查核一摺所陳是否屬實著延煦悉心詳查妥爲籌畫奏明辦理等因欽此遵 旨寄信前來 奴才詳閱原奏所陳圍場一事與張振元等所控情節大致相同究竟張振元等是否冤抑非提證與訊雖成信讞查原奏所指之革員孫恩慶協領全吉最爲案中要證全吉現已病故孫恩慶參革後已回山東原籍現在已將書吏馬鴻遠蘇騰龍交府看押應請 旨將已革道之張振元孔憲祖二名由奴才行知沿途地方官無論解至何處卽撤回聽審如果審係妄控自宜格遵 諭旨從嚴懲辦並請 飭下山東巡撫將已革刑部候補主事孫恩慶派員解送熱河以便當堂質對研訊確情至圍場地畝應否騰留非詳加勘驗未敢懸擬其三道川等處圍地雖經瑞聯奏請封禁緣因未奉部覆且值隆冬嚴寒人戶尚未遷徙猶各執業奴才甫蒞任文卷繁雜檢閱需時擬於三四月間親自進圍將

一切情形察調明確再行奏明辦理 上諭延煦奏承審要案請飭解人證一摺熱河已革生員張振元等呈控官吏苛斂民財案內之已革刑部主事孫恩慶著李元華派員解送熱河交延煦歸案質訊○辛巳諭巡視東城御史文保等奏命案牽涉武弁妄拏私拷請交刑部審辦一摺民人崔二受傷淹斃一案牽涉武弁妄拏指訊亟應澈底根究著交刑部嚴訊確情按律辦理朝陽汛把總黃祿王壽著刑部一併傳訊○壬午郭從矩奏查去歲御史周鼎樹奏請收回淮鹽引地規復舊制旋據御史吳鴻恩以川鹽未可遽議更張入奏均經戶部核議並酌擬章程五條議行迭經川楚各督撫臣李瀚章翁同龢王文韶文格等體察情形濫陳如復准引所取不過三十萬左右較之川鄂兩省現在歲收銀一百六十萬兩盈絀顯殊籲請展限等情各在案臣惟事機利害所關惟身歷者為最悉現當 國用浩繁之時封疆大吏無不以奉派各款輾轉籌解懼滋貽誤今川鄂各督撫臣既據奏稱全恃川釐協兵協餉勢難奪其已成之巨款仍責以不得不辦之要需是川釐之未可遽議停收也議者謂既為川楚兩省經畫亦當為淮鹽滯銷設想不知咸豐年間前督臣官文等奏請借撥川鹽運近稱便已經二十餘年之久不開淮南有資本坐耗別生事端豈當軍務肅清敢以舊岸未復遽爾滋事若驟禁川鹽行楚則藉鹽為活之數十萬人一旦絕其生理何以處置是昔淮南所失之利本為長江道梗所致既以武漢黃德四府歸淮行銷亦可謂

處得其平矣總之淮鹽釐輕而弊重其利在商川鹽釐重而弊輕其利在國此御史吳鴻恩探源之論  
部臣應採擇其旨折衷至當第慮狃於前議必以規復舊章爲詞竊恐川鹽既失又不能取償於淮名爲  
整飭淮綱實則川楚交受其困是一舉而兩敝也且川楚接壤綿亙千里國家既賴川鹽爲餉源百姓  
又以現食川鹽爲利便何不因其利而利之勝於逼官爲私致滋煩擾多矣相應請 旨飭下部臣統籌  
大局熟計兼顧與其器守經之名不如收因時之利庶於籌餉之內兼寓弭惠之方下戶部議奏○癸未  
甌塔城防營及軍臺出力官兵六十二員名○甲申穆騰阿富陞奏查江甯八旗頭甲官兵於咸豐三年  
慘遭粵逆之變陣亡殉難不下三萬餘人經歷任將軍在營及回防後陸續收集僅存前鋒領催馬甲共  
三百四十名於同治九年由前任將軍奴才魁玉暨奴才富陞奏明將江甯舊存兵丁併爲八旗頭甲奴  
才穆騰阿抵任後與奴才富陞會商設立義學以場教習清漢騎射現屆五年之久八旗頭甲子弟自十  
歲以上及十二三歲者約計已在一百數十名雖未成丁而於清漢文字馬步技藝均堪造就奴才等伏  
查江甯陣亡官員子弟均得仰沐 天恩賞給世職其各子弟亦屬陣亡殉難後裔似應稍加優卹使之  
生計寬餘得以學習上進查二三兩甲俱係調撥荆州兵丁現已全行足額惟八旗頭甲尙少領催四缺  
馬甲二百二十八缺可否邀懇 天恩准由奴才等將此項頭甲子弟擇其年力較壯者添補馬甲八九

十名俾其練習操防庶於整頓之中兼示體恤之意並於現存馬甲內挑補領催四名餘俟查明有批造就子弟再行陸續調補似此變通辦理不惟可省調兵之費而輾轉數年亦可使頭甲缺額補足矣得旨如所請行○乙酉祥亨奏山海關地方路通三省行人絡繹防範稽查最關緊要奴才到任後卽經嚴諭關門值班官兵於往來行旅認真盤查毋使夾帶奸宄溺跡出入茲於光緒二年十二月十八日據關門值班防禦薩斌等報稱由進關山東濟南府章邱縣人王集先衣包內搜出人參一包計重五兩解送前來奴才隨將參犯王集先飭交臨榆縣知縣趙允祐詳訊確供去後旋據該縣呈覆內稱訊據王集先供小的是山東濟南府章邱縣人年五十歲父親已故家有母親諸氏年八十四歲並沒弟兄小的向做鐵匠手藝今年三月裏奔到瀋陽東山地方打鐵營生有素識的關裏灤州人徐弓匠在東山彈棉花他叫小的打一把小刀子送給小的一小紙包人參小的因母親年老多病以備給母親配藥治病到十二月初五日由東山起身回家十八日進山海關被值班官兵搜出人參說是犯禁把小的拿住轉送案下來的今蒙審訊實不知人參犯禁也沒私取的事所供是實等情呈覆前來奴才遵查戶部奏定章程山海關值班官兵拿獲參案數在十兩以上應將該犯解送到部審辦其所獲私參一兩以八錢入官二錢充賞原拿兵丁如數在十兩以上者按數賞給二成不得再有增加以示限制等因遵行在案又同治五

年十一月間經前任副都統長善奏請嗣後拿獲攜帶私參數在十兩以上應送刑部審辦者如查明實係久慣與販國利之徒所販私參包捆甚鉅數在百兩以上卽行解送刑部審辦若僅係無知小民零星攜帶雖數在十兩以上而實訊人證紛紛遠提徒滋拖累致多冤濫應請仍照解交犯事地方章程就地查辦以期迅結而昭核實等因奏奉 諭旨著照所請該部知道欽此欽遵亦在案奴才伏查該犯王集先所帶之參供係在瀋陽東山彈棉花徐弓匠送給之物係屬一面之詞有無別情殊難憑信第查該犯似非久慣與販國利之徒自應遵照奏定章程解交盛京將軍衙門收審外奴才卽將所獲私參當堂平兌計重五兩遵將入官私參四兩封固黏貼印花派員送交內務府查收其抽出私參一兩卽獎賞原拿兵丁以示鼓勵報聞○明春奏查自同治十二年陝回白彥虎肆擾關外送奉 諭旨哈密爲全剿咽喉重地飭令奴才等妥辦本城防剿事宜維時兩地各軍尙未出關哈密地方遼闊兼通吐魯番南路各城尤宜步步爲營期臻周密卽督派得力將弁扼要分紮遇有匪徒零股闖入邊境務卽隨時齊隊盡絕根株比年以來迭據瞭墩四五堡等處稟報斬級獲醜之案實屬不少奴才等以其瑣屑未敢擅奏均錄供記檔存俟彙辦在案迄今已歷三載伏查兩軍將士員弁連年暴露磨蕘戰功卽籌辦軍食運送糧餉押解軍火偵探賊跡不惟冲寒冒暑艱苦備嘗塞外山徑紛歧伏莽難防一出戶庭卽難保無性命之憂



文麟前摺奏陳興攻堅破敵無異誠屬實在情形兼之兩軍奉撥協餉大半虛懸威儀一軍之餉兩載無著本年奉部指撥之款尙未及半湖北省則尙未及十分之一以致軍中不惟餉艱不能照支乃至口糧亦多拖欠困苦之況實爲從來所未有並查烏魯木齊昌吉綏來各城以次克復進逃之寇難保不滋蔓山谷前據督臣左宗棠咨稱湘蜀各軍與張曜所統嵩武軍現俱約期爲會攻吐魯番之計哈密爲各軍後路一切布置尤關緊要值茲邊事孔棘餉源匱竭若非破格請旨獎勵似不足固人心而作士氣二年三月間文麟裁留營數當將威儀一軍應獎人員核定清單正擬會奏因病出缺彌留之際諄諄以獎案囑令核辦實爲鼓勵人心起見茲就其原案覆加查核並將奴才所部擇其在此尤爲出力者分別出具切實考語開列清單恭呈御覽合無仰懇天恩俯念邊軍內困飢寒外嬰矢石閱時三載歷久不迴迴非尋常勞績可比俯准照單獎勵不惟奴才可期得用人之効實於關外軍務大局均有裨益其千總以下微末員弁擬由奴才造冊咨部核准再有陣亡吉林馬隊官兵擬保騎騎殺什成花翎都司銜儘先守備胡冠羣並請旨交部照例議卹以慰忠魂其會辦軍務嵩武各營出力員弁應由廣東陸路提督張曜自行擇尤奏保合併陳明得旨賈茂清著賞給懋勇巴圖魯名號魏長林著賞給卓勇巴圖魯名號餘均照所請獎勵什成胡冠羣均著交部照例議卹○丙戌諭據馮子材奏稱該提督於咸豐元年

三月間被賊擄去十餘日卽於四月初間乘間逃出投營効力並非久在賊中始行率眾投誠伏讀 欽  
定剿平粵匪方略有與賊日黃錦泗同時投誠之語連類奏報情節不符請飭吏易等語馮子材宣力有  
年戰功卓著迭承恩眷已極寵榮惟當竭力圖報勉爲名臣以副朝廷委任之意至該提督當日身陷賊  
中旋即投出業經周天爵奏報欽奉 文宗顯皇帝諭旨宣示此次剿辦方略復蒙 穆宗毅皇帝欽定  
豈得率行更易所請著不准行○古尼音布奏出征存營官兵西丹等報聞

二月丁亥朔予故署浙江仁和縣知縣吳保豐在杭州建祠○長善奏查明馬匹無缺下兵部知之○李  
桂林奏查崇文門稅務衙門於坊巷黏貼告示曉諭各省士子來京會試一律送務查驗等因 聖恩以爲  
各省士子志切觀光其有夾帶私貨入城售賣者容或有之在已登賢書稍知自愛者必不肯貪小利而  
失大體若一律送務則官役藉端勒索任意延擱或逗遛不驗耽誤時日甚至送入官店急切不放入城  
種種弊端不可枚舉夫 朝廷養士數百年原以備他日賢能之選今開闢數千里跋涉來都行李之外  
毫無長物竟至受額外之需案多無名之浪費恐寒士未免向隅且於 國家培植人才之意大有關係  
相應請 旨飭下稅務衙門於士子入城時當下驗明除實係查有私貨照例送務納稅外其有本省咨  
文可據止帶隨身行李者卽任其通行入城不准稍有需索以恤寒賸而培士氣 上諭御史李桂林奏

應試士子來京請飭崇文門稅務衙門禁止帶案等語鄉會試士子入都如有夾帶私貨原應查察若止  
隨帶行李並無貨物者自當隨時驗明放行不得稍有留難第恐各門差役於車輛進城或故意攔阻藉  
端勒索及至到務後又不立時查驗致受延擱之累種種弊端不可不嚴行禁止著崇文門監督嚴飭該  
官役等凡遇應試士子車輛送務後隨到隨驗迅速放行如查有帶案留難等弊即行從嚴懲辦毋稍寬  
縱倘該士子等不知自愛夾帶私貨一經驗出仍著照例辦理○楊昌濬奏准工部題銷浙江省沿海水  
師各營歷年購辦廣艇用過工料銀兩由咨改題一案內開購辦各項師船以及修換篷索燁洗等項需  
用銀洋錢文既據該撫聲稱前項師船購買洋商造成之物風損修換篷索亦均購自外洋由洋匠議價  
成辦委無成例可援應如所請准其照原冊開銷嗣後屆限修造各營師船及大小修成修換篷索燁洗  
仍遵照本部舊章題定成規辦理以符定制等因光緒二年三月初五日題本月初七日奉 旨依議欽  
此咨行欽遵到浙經臣行據軍需報銷局詳覆前因並無成例可循是以由局將同治十年以前用過購  
船修換各款據實造銷等情復經飭據布政使銜榮光詳稱伏查前奉轉行同治三年七月初十日奉  
上諭同治三年六月以前各處辦理軍務未經報銷之案免其造報其自本年七月起一應軍需凡有例  
可循營務當遵例支發其例所不及有應酌量變通者先行奏咨備案等因欽此遵經查明浙省軍需案

內正雜各款爲成例所不及者詳經前撫臣開單奏明購買紅單廣艇等船尙未足數且價值多少不齊應專案辦理等因在案今同治十年以前山軍需局造報水師各營購辦及修造船隻並鑊案燂洗等項經費未准工部核撥照銷而同治十一年起至現在止先已由各營將屆限大小船隻次第修造完竣均由各鎮道飭令承辦船工之員造具銷冊送司由司陸續分起咨送軍需局核銷統計動用經費爲數已屬不少若照局詳自同治十一年起由司查照舊章題定成規辦理無論司中現無成規可循難以造辦況時已四年有餘各營修造船隻當興工時並未議定成規移行照估此時再飭補造其勢萬難照辦所有自同治十一年起修造完竣各項師船用過經費並給過鑊案燂洗等項與造銷同治十年以前之案事同一律惟有仍遵奏案由軍需局專案造冊報銷以昭核實至前項題定成規兵燹之後燂失無存經各撫臣暨臣先後行令各營前赴閩粵等省購造紅單艇釣快蟹搭波等船物料多採自外洋工匠比昔昂貴名目不一大小不齊價值既未能一律造報又無例可援且是項經費動支捐款並非司庫錢糧是以同治十年以前用過銀錢文盡由軍需局核實造報已奉准銷事有成式所有同治十一年以後用過修造師船及修換鑊案燂洗等項經費合無仰懇 天恩俯准仍照前案造銷以歸一律得 旨如所請行○戊子祭 社 稷壇遣世鐸恭代行禮○己丑嵩林奏維持邦本必先固結民心而民心固結之

山當安農業以厚其生禁爭端以防其患慎選牧令以資治理嚴馭弁卒以戒肆驕此四者惟實力舉行可以見功非敷衍了事所能奏効者也謹就奴才管見所及縷晰陳之一宜墾荒田以安農業也東南各省自遭髮逆蹂躪人民流亡轉徙地方克復後田畝荒蕪迄今多未復業聞各該地方官所設善後局往往有招徠之名無安集之實或糧賦曾經豁免而田主認領時仍勒令補交甚至常賦之外接畝苛捐遂致田主不敢認領聽其拋荒國賦虛懸民業久曠非所以撫恤瘡痍也請飭各督撫督率各地方官隨時查察如有前項弊端嚴行禁止出示招徠荒田酌給牛具籽種照例定年分升科毋許額外需索以期無廢農業庶流民可安矣一宜禁械鬪以遏亂萌也閩粵江西等省民情多悍雖比鄰之人因事爭競或至糾眾持械而如寇仇竟有擅用火器互傷多命地方官是釐處分率多隱匿不報偶經發覺未能秉公辦理連累多人以致激生事變甚非所以全民命而息亂萌也請 嚴飭各督撫率屬隨時化導消患未萌遇有此等巨案務當密速拿辦秉公訊結庶爭端可息而伏莽潛消矣一慎舉劾以重民牧也州縣為親民之官得人則地方蒙其福不得人則地方受其害考察之法必先撫字而次催科州縣處分定例禁嚴或有素洽輿情不免因公之過或其才似庸應究無實政之施為勸為懲賞權衡於至當近來各省督撫參劾屬員多不叙明劣跡僅以空言陳奏至保舉人才往往不求實際徒以四字八字考語列之薦章非

所以昭詳慎而杜僥倖也請飭各省督撫切實講求嗣後舉劾屬員務均詳敘事蹟不得僅以虛辭具奏有乖定例以員朝廷實事求是之意庶吏治振興而民情翕服矣一整營規以防流弊也軍興以來各省因額兵不敷募勇立營從前湯寇輯民未嘗不資其力現當中原結事各省留防營勇尚多統帶提鎮大員漸就安逸或違例乘坐肩輿食尊處優所帶營勇難保無缺額虛糜情事甚至封疆大吏恃功驕縱將弁遂無忌憚但形跡顯即有譴誹之虞恐徒事彌縫日久愈難收拾亟應嚴為整頓請飭各省督撫力除積習裁汰浮冒認真訓練俾兵歸實用將盡知方庶營伍整肅地方賴以綏安矣以上四條奴才係爲固結民心起見如蒙俞允籲懇諭旨明飭各省實力施行上諭御史湯林奏敬陳管見一摺所陳墾荒田禁械鬪慎舉劾整營規各條均經迭諭內外臣工實力奉行掃除積弊無如日久生懈往往視爲具文東南各省招墾荒田大半有名無實該省督撫務宜督率各該地方官隨時查察出示招墾酌給牛具籽種照例定年分升科如查有勒索苛派等情卽著嚴行懲辦閩粵江西等省民情多悍械鬪成風該督撫尤宜隨時化導遇有此等案件飭令該地方官密速查辦秉公訊結以息爭端州縣爲親民之官得人則治各省大吏當隨事詳加考察秉公舉劾用示勸懲不得僅以虛辭具奏以昭核實營規亟宜整頓現在各省留防勇營尚多難保無缺額糜餉情事著各省督撫力除浮冒認真訓練以期營伍整肅綏

靖地方○諭工部奏請飭催生息銀兩一摺山東運司歷年欠解工部生息銀四萬餘兩現在該部需款孔亟著李元華嚴飭該運司將歷年欠解生息銀兩迅即掃數解交以清積欠嗣後該省報解此項銀兩務與內務府一律報解毋得兩歧致誤要需○庚寅允涂宗瀛請調緩驛站錢糧○頒給 淮濱神 果大王廟匾額並諭禮部議加封號○楊昌溶奏盜匪勾結思逞經水陸各營立時殄滅得 旨准酌保數員毋許冒濫王翹齊著交部優卹○辛卯文煜奏勦缺食穀請緩覓補報聞○壬辰諭順天府府丞王家璧奏京師昭忠祠歲久應修請飭部籌款修理一摺著該部議奏○崇厚清凱奏賊匪竄擾臺卡請將疏防官兵參辦得 旨奎英著卽革職○癸巳允金順奏以錫綸兼署古城領隊大臣○甲午謝膺福病請解任允之○乙未諭朕叔親王銜孚郡王奕譞秉性和平持躬端謹自幼仰承 皇祖宣宗成皇帝慈愛 皇考文宗顯皇帝誼篤友于封爲郡王並令在上書房讀書 穆宗毅皇帝踐阼之初令在內廷行走並管理武英殿樂部事務補授內大臣同治十一年欽奉 兩宮皇太后懿旨賞加親王銜朕御極後派令管理正藍旗漢軍都統事務均能恪恭將事倍著勤勞前因患病賞假調理復派人看視方冀漸次就痊長承寵眷遽聞薨逝震悼實深著賞給陀羅經被派惠郡王奕祥卽日帶領侍衛十員代朕前往奠醴並派總管內務府大臣茂林辦理喪事一切事宜俱由官爲經理加恩照親王例賜卹所有飾終典

各衙門察例具奏尋予諡曰敏○以王思沂爲安徽按察使○諭前任科布多參贊大臣托倫布現在病痊著留營當差並加恩在乾清門侍衛上行走○予武進縣典女吳劉氏旌表○予嘉興縣殉難紳士張世棟等節婦張陳氏等旌表○諭本年輪應查閱福建浙江廣東廣西四省營伍之期福建卽派何璟浙江卽派楊昌濬廣東卽派劉坤一廣西卽派涂宗瀛逐一查閱認真簡校如有訓練不精軍實不齊者卽將廢弛之將升據實參奏毋得視為具文○丙申諭孫思敬著暫行革職留於臺灣差委丁日昌自請讓處著加恩寬免○文煜奏工程未結各案下工部知之○賞平郡王福晉郡王半俸○以全慶爲正藍旗漢軍都統○以載齡爲內大臣○金順奏奴才於同治十一年由包頭進赴寧夏時購買駝隻因行營餉欸不足曾向前任歸綏道國英挪借銀一萬兩始行開發西進嗣後餉項未裕此欸久未歸還而該道已升補廣東鹽運使奴才當令駐粵坐催委員於粵海關應領月餉如數撥還以償借項近據國英兩稱新疆軍務需餉孔殷願將前在歸綏道任內所借銀一萬兩作爲捐廉助餉並稱受 恩深重不敢仰邀議叙情詞肫懇奴才未便沒其惻誠查軍興以來凡官員捐廉助餉者莫不邀 恩給予獎叙茲布政使銜廣東鹽運使國英急公報効捐銀至一萬兩之多可否以副都統記名之處出自逾格 鴻施下部議奏○丁酉文煜奏撫卹琉球難民報聞○予上元縣典孝女紀趙氏旌表○戊戌獎卓勝軍歸綏各營出力



以升金運昌等開復已革守備劉佐清○允善慶奏請賞防剿出力員弁奎英劉景芳頭品頂戴○庚子子大興縣節婦何嚴氏旌表○辛丑欽奉 慈安端裕康慶昭和莊敬皇太后 慈禧端佑康頤昭豫莊誠皇太后懿旨穆宗毅皇帝龍馭上賓倏經三載本年三月卽屆釋服之期歲月如流懔深悵我朝定制皇帝於釋服後一切慶典應次第舉行惟現在梓宮尙未永違泰安若將應行典禮照常舉行於心實有不忍且皇帝尙在沖齡一切慶典尙有未能親行之處尤當權衡輕重酌度咸宜除朝賀大典均仍照常舉行外所有年終勛政嚴賞蒙古王公茶飯中正殿看跳布扎克賞喇嘛茶正月間紫光閣筵宴蒙古王公外國使臣均著暫緩舉行其餘一切應行典禮著各該衙門查照同治二年成案分別辦理○壬寅諭前因給事中王書瑞奏浙江覆訊民人葛品連身死一案意存瞻徇特派胡瑞瀾提訊嗣據該侍郎仍照原擬具奏經刑部以情節歧異議駁旋據都察院奏浙紳汪樹屏等聯名呈控降旨提交刑部審訊經刑部提集人證調取葛品連屍棺驗明實係因病身死並非服毒當將相驗不實之知縣劉錫彤革審並據御史王昕奏承審大員任意瞻徇復諭令刑部澈底根究茲據該部審明定擬具奏此案已革餘杭縣知縣劉錫彤因誤認屍毒刑逼葛品連楊乃武妄供因姦謀斃葛品連枉坐重罪荒謬已極著照所擬從重發往黑龍江効力贖罪不准收贖前杭州府知府陳魯於所屬知縣相驗錯誤毫無覺察並不究明確

情率行具詳實屬玩視人命寧波府知府邊葆誠嘉興縣知縣羅子森候補知縣顧德恆龔世潼承審此案未能詳細訊究草率定案候補知縣鄧錫澤經巡撫派令密查案情含混稟擬均著照所擬革職巡撫楊昌溶據詳具題既不能查出冤情追京控復審又不能據實平反且於奉旨交胡瑞瀾提訊後以問官並無嚴刑逼供等詞曉曉辯意存迴護尤屬非是侍郎胡瑞瀾於特旨交審要案所訊情節既與原題不符未能究詰根由詳加檢驗率行奏結殊屬大負委任楊昌溶胡瑞瀾均著卽行革職餘著照所擬完結人命重案罪名出入攸關全在承審各員悉心研鞠期無枉縱此次葛品連身死一案該巡撫等訊辦不實始終迴護幾至二命慘罹重辟殊出情理之外嗣後各省督撫等於審辦案件務當督飭屬員悉心研究期於情真罪當不得稍涉輕率用副朝廷明慎用刑至意○李元華奏查黃河南堤自賈莊直抵東平境內計長二百餘里均屬完固足資保衛惟上游毗連直隸自直隸東明謝寨起經長垣境至河南考城十三里鋪止約七十餘里並無堤岸與下游曹屬尚未聯絡一氣此係最要之工刻不可緩者昔年侯家林合龍以後忱於經費較多未暇顧問遂至賈莊決口此次賈莊以下堤雖完固而上游若不一律修築誠恐可密一疏設有漫決豈惟前功盡棄而河南安徽汀蘇仍然受害山東之首當其衝無論已且運道自南陽湖一帶下至清河仍復遺失必須千百萬鉅款方能規復惟愚民無知不惟河南安徽之民

未曾受害痛癢無關卽江蘇之民雖遭陷溺而遠隔千里亦計不出此獨山東曹濟各屬百姓切近之災  
驚弓之鳥日盼修築而力不從心臣已飭曹州府知府馬映奎勘估擬調營勇承辦六成再加添僱四成  
民夫以節經費計自直隸東明起經河南考城十三里鋪止七十餘里長堤高一丈頂寬一丈六尺底寬  
六丈約需經費實銀五萬餘兩惟越境圖功僱夫修築一切深恐呼應不靈臣已函商直隸督臣李鴻章  
河南撫臣李慶翱協力襄辦茲准直隸督臣函覆允爲飭令附近州縣幫同照料臣復派候補道薛福年  
覆勘工程形勢以昭慎重就近馳赴豫省面謁撫臣懇請一律飭派州縣以資彈壓該撫臣謹屬桑梓當  
必格外關心此南堤上游之擬辦情形也至濮范之民自黃水改道以後流爲澤國下民昏墊十有餘年  
迨至賈莊決口稍有生機及賈莊合龍後受災如故查南堤至北面金堤中間相隔六七十里雖金堤時  
加修築而語屏蔽京師則可於濮范之民村莊田畝則不能保衛臣此次親赴河干據濮范沿河紳民紛  
紛具稟以南堤既築而北堤未修同是朝廷赤子未免向隅該紳民等情願承修北堤惟力有不支懇請  
酌加津貼既成以後請派弁勇一律修防等情臣雖暫權輿寄不忍不俯如所請計此堤築成後濮范陽  
穀壽張東阿五縣地畝約可涸出千餘頃一經允辦該紳民同感 皇仁歡聲雷動此項北堤自濮范下  
抵東阿計一百七十餘里約計長三萬餘丈若按土方核算必需費數十萬銀方能興辦今俯順輿情酌

加津貼所費既可減半且值此荒歲以工代賑所爲事半工僭民忘其勞甚宜及時興修者也惟如此大工一年之中舉辦經費或恐不支查南堤計高一丈四尺頂寬三丈底寬十丈此項北堤明歲正月興工擬先築高一丈頂寬一丈六尺底寬六丈次年再加高四尺頂加寬一丈四尺底加寬四丈已與南堤相埒又次年毋庸加高底加寬四丈頂加寬一丈卽足以埒金堤如此分年辦理既不勞民亦不傷財而東水刷沙黃河或可順軌又查濮范以上現有黃水二道其南渠約有一分餘溜窄而深北渠約有八分餘溜寬而淺臣愚欲於壽張東阿境內新黃河尾閘抽挑引河二道以冀黃水順軌倘能邀天之助歸併一渠則南堤之北黃河之南再立小堤以資束水又可涸出地畝數千餘頃容俟新任撫臣文格到任臣與稟商次第辦理不數年可收成效至北堤上游係直隸開州所轄內有八里未能聯絡若不一律修築不惟北堤徒勞無功卽畿輔亦難保不受其患臣亦經函商直隸督臣李鴻章派員經理現准兩摺已派開州協副將張桂芳會同開州知州一體照料臣知張副將深得民心認真辦事必能妥速蒞功惟所壓直隸河南地畝該處居民無甚大益而山東百姓則受益無窮自應由山東折價地價臣擬按照升任撫臣丁寶楨酌給山東各處堤壓地畝章程每地一畝折價制錢五千文此次隔境往返給錢不便每地一畝擬按時價給庫平銀三兩二錢以償地價此現辦北堤之實在情形也北堤既成以後臣調中軍參將莫

組紳所部之勇一千九百名分紮北堤中段一百餘里並飭濮州營游擊周森藻防堵濮州上游二十里  
壽張營游擊郭大勝防堵壽張東阿下游二十里每年清明到防霜降回汛南堤防汛支發局向係曹州  
府知府馬映奎辦理若令再辦北堤中隔黃河勢難兼顧查桃源同知一缺向管河工衙署在荷澤境內  
自兵燹以後蕩然無存臣擬將桃源同知衙署移建范縣城內飭令現署桃源同知吳玉衡會同范縣購  
置地基修建所有北堤防汛支發局務歸該同知一手經理至工程款項必須存庫自應添兵守護臣擬  
飭濮州營游擊調經制外委一員撥兵十名移駐范縣以資守衛並咨呈吏兵二部立案以垂久遠惟上  
游收束既窄下游水溜勢急不可不防自東平州以下直抵利津海口約九百餘里臣已飛飭沿河州縣  
各就所有民堤加高培厚酌加津貼以工代賑以上各項通計所需經費必在二千餘萬兩此黃河大段  
擬辦之實在情形也至於運河則有三等辦法上等將運河一律疏通直達舊堤十里鋪南閘既建而南  
閘以北必須修一船塢以備養船約需經費銀十萬餘兩俟各計到齊一律開放渡黃至黃河以北張秋  
鎮以南仍須建修北閘以資啟閉糧船過後黃河之淤不能過閘閘外之淤不過數里每年挑挖甚易爲  
力並由館陶堂邑境內約七十餘里開引衛河漕運現尙有舊跡可循運河既有清水頂托並可禦黃則  
黃河之淤上瀦有限惟工程浩大總需銀百萬餘兩經費不資姑作罷論中等辦法惟將運河一律疏通

復還舊址經東昌府知府程繩武估計約需銀二十五萬兩有奇時適年荒厲賑於工省而又省始能成  
事加以建築北閘亦須五萬有零查十里鋪建閘係用銀三萬餘兩而椿木半資本省州縣購辦柏木樹  
株茲查柏木無從覓購現擬至濮口採辦杉木南開建在河南運用石灰石料較易北開建在河北一應  
物料必須渡黃運腳未免加倍是以較南閘多需銀二萬兩至於下等辦法則於歷年經費下每次支用  
銀三四萬兩不過撈淺而已俟黃汛到後始得渡黃稍一留滯即形膠固臣查運河爲國家轉輸漕糧要  
道雖東省藩運道庫現在皆存款無幾而要工亦不能不辦商之同城司道意見相同臣現擬就中等辦  
法將北路運河一律挑挖深通約需工費銀二十五萬兩建閘約需銀五萬兩運河總計共需銀三十餘  
萬兩查歷年辦理係責成地方官委員毫無責任運河惟陽穀衛張東阿三縣最爲緊要今歲黃運二河  
同時興辦該縣萬不能分身加以放賑催科緝捕聽斷礙難久駐河干臣擬責成委員擇樸誠耐勞清淑  
自愛者分段辦理其貌似有才善於鑽營者屏棄弗用臣知識有限恐受欺朦一經督察臣即據實展參  
決不袒庇然非地方官會辦則起夫一切又慮呼應不靈仍當飭令該委員等會同地方官和衷商辦若  
地方官以爲銀錢不能經手時地扼持惟有輕則撤任重則嚴參臣本不諳河工惟有得尺則尺得寸則  
寸不敢畏難苟安亦不至急遽從事次第辦理寬以時日或可勉力收效至閘工一項明春購料秋季始

能興建倘糧船渡黃以後不待黃汛卽能直達臨清則各印委等均屬著有微勞應懇 天恩准 臣照軍

需例破格請獎以資鼓勵否則依歷年辦法以尋常勞績請獎決不敢稍涉冒濫至 臣前次奏報約需經費銀二三十萬兩因未身歷其境係據大略而言今黃運兩河約需銀六十餘萬兩卽撙節辦理亦非五十餘萬不能濟事 臣前已提撥糧道庫銀十萬兩除南堤防汛購置稽料已發三萬兩外只剩銀七萬兩所短甚鉅 臣擬仍在糧道庫再提銀十萬兩無論何款零星挪湊以資應用亦明知各有專款不可屢行動撥惟以事屬要需不得不移緩就急一俟來年地丁收有成數卽行歸還又至藩庫籌撥銀五萬兩運庫籌撥銀五萬兩以上統銀二十七萬兩先行分別興工辦理下短三十萬有零容再由藩運兩庫陸續提撥 臣仍當督飭各員力求節省以仰副 聖主慎重河防之至意至此次所辦黃運兩河均係以工代賑藉資民力酌加津貼並非全行官辦將來工竣應請免予造報以後如有挑挖運河修防黃河等事卽照章報銷不得援以爲例得 旨該部議奏圖併發摺內繕寫張副將字樣殊屬不合李元華著交部議處○癸卯總理各國事務衙門奏據兩江總督沈葆楨等附片奏稱湖北開採煤鐵前經派委道員盛宣懷等設局試辦茲據局員盛宣懷以廣濟用洋法開煤本爲各省現設船廠等局需煤日多與其購自外洋不若採自中土惟土煤稅重銷路難期通暢可否援照臺灣減稅成案辦理詳請核奪前來 臣等查

咸豐年間所定稅則土煤每百觔稅銀四分以噸數計每噸稅銀六錢七分二釐較洋煤重至十數倍現用洋法開採煤出必旺勢須酌減煤稅銷路乃可流通該局請將土煤出口每噸減為稅銀一錢較洋煤進口稅仍重一倍尙係酌中定議懇准援照臺灣成案辦理等語光緒三年三月初四日軍機大臣奉旨該衙門議奏欽此欽遵由軍機處鈔交到臣衙門等查通商稅則載外國煤進口每噸稅銀五分土煤出口每百觔稅銀四分查外國噸數每噸約計重一千六百七十觔以每百觔徵銀四分計之實與每噸徵銀五分輕重大相懸殊當時中國尙未用西法開採煤窰亦尙無輪船機器等局出煤不旺用煤不多自不妨重出口之稅自臺灣用西法開採土煤沈葆楨在臺灣辦理海防時即以臺灣產煤甚富各省船廠等局用煤日增奏請將出口土煤照進口洋煤稅則一律徵收當經臣衙門議覆以北地民間日用無不需煤若一律准其減稅必至出口愈多價值昂貴於民生大有關係請將天津登州牛莊三口出口土煤仍照前定稅則徵收其臺灣一口准其酌量核減此外南洋通商各口出口煤稅應否酌減請飭下南洋通商大臣與沈葆楨等會商妥籌辦理於同治十三年八月二十六日奏奉 硃批依議欽此欽遵行知去後旋於光緒元年正月間據沈葆楨等奏請將出口臺灣煤每噸減為稅銀一錢南北洋各口均不得援以爲例等語奉 旨該衙門知道欽此欽遵行知在案茲據該督等奏稱前因查土煤出口每噸



減爲稅銀一錢較之洋煤進口稅銀仍增至一倍之多湖北廣濟用洋法開煤既據該督等奏稱與臺灣情事相同應准其援照成案每噸減爲稅銀一錢此外出煤處所斷不加增其出口稅銀應仍照舊徵收以示限制而防流弊得 旨如所議行○魁齡奏奴才於正月十七日跪請 聖訓後當即起程於二十一日辰刻行抵隆福寺接班現查各旗營自添設巡兵以來地方極爲安靜並無外來游民擅自出入卽有買賣食物之人均在四五里地之外每日夜間巡邏尤爲嚴密足以仰慰 宸庑前准欽天監來文惠陵各段工程擇於正月二十八日子時開工奴才遵照吉期率同監督景祺等敬謹行禮開工查去冬各段所收物料均與原報數目相符現擬先行擇要興修至漿水活計此時天氣尙寒應俟清明前後早晚不至凝凍再行次第興工飭匠妥速辦理奴才現住隆福寺恭理之班擬於每日午祭後前赴 惠陵督辦工程晚間仍回 暫安殿值班處住宿一俟二月二十一日交替有人卽移至 惠陵工程處值班爲此恭摺奏聞報聞○裕祿奏請另鑄燕湖關關防下部知之○諭前據兩廣等奏參呼征呼圖克圖阿旺伊勒楚稱聚衆因散放佈施失察起釁帶印逃走當經奉旨將該呼圖克圖之名號勒印一併註銷不准再令轉世該呼圖克圖赴京呈訴旋即病故茲據松淮奏現在衆喇嘛等稟訴已故呼征呼圖克圖從前勞績被風情形據情代奏等語著照所請准其查訪已故呼征呼圖克圖轉世之幼子仍掌該寺事務

並將名號賞還該衙門知道○以郭嵩焘爲兵部左侍郎○以梅啟照爲浙江巡撫○甲辰諱孫衣言爲江甯布政使以潘蔚爲湖北布政使○以志和爲內閣學士○諭吳元炳奏請將糾察滋鬧之遊擊革職押解回籍等語遊擊鄧迺理於撤營後流寓蘇州滋事經吳元炳飭令驅逐出境復又潛來蘇省糾察滋鬧並有持刀砍傷哨弁情事而應從嚴懲辦以靖地方花翎副將銜遊擊鄧迺理著即革職派員押解回籍交地方官嚴加管束不准逗遛○曹濟堂功德林粥廠展限兩月加徵小米二百石經費銀四百兩○乙巳以寶瑟爲武英殿大學士英桂爲體仁閣大學士○鮑源深奏陽曲縣被災借撥倉穀下戶部知之○鮑源深請停解卓勝軍半餉下戶部議奏○丙午道鄧士詣 孝哲毅皇后几筵前行二周年禮○文彬奏免賑米釐報聞○李元華奏查東省運河向多枯淺年來黃流北趨挾沙而行受病更深雖經節次挑挖無如上年天旱水涸汎漲卽消溜過沙停復行淤塞本年江北漕糧仍辦河運臣接准部咨具奏令臣與河東河道總督各將淤淺工段趕緊督飭興挑以利漕行刻下時已春融自應遵照趕辦除南路運河工需所撥山東地丁銀三萬五千兩業經飭司如數籌措委員解交運河道收用外其自張秋以北一帶東省應挑河身臣現於候補正印中遴選熟悉河務樸誠耐勞各員派定段落分飭前往挑辦支應監督各事委候補知州蔣樹屏會同東昌府知府程繩武和衷辦理以專責成臣又恐該委員等或有草

率遲延致滋貽誤茲擬於二月初三日由省親赴沿河一帶督飭在工員役實力興挑務期一律深通糧艘抵東暢行無阻至黃河北岸經上年凌汛漲發異常漫溢現在水勢尚未消落南北兩岸既議分別築堤該居民等荷鋪攤吞取思興築且濮范上游十里上年冬間已經直隸督臣李鴻章派員築成只欠砌工濮范等處堤岸事同一律自應乘此春融一併動工以順輿情其督辦監工事務臣亦經遴派委員前往經理現已據該州縣等稟報勘丈興工臣於督挑遡河後並擬就近馳往該處查勘所做工程期於事核實慎益加慎所需各項經費現值庫款支絀總當督飭各該委員等力求撙節但能可省則省臣受恩深重決不敢稍事冒濫報聞○丁未諭御史鄧慶麟奏內務府候補郎中那隆阿與酒醋房庫掌中祥朋比爲奸承辦差務任意浮冒以致物議沸騰請飭開去差使等語著內務府大臣認真查辦據實具奏○翁同龢奏參在籍副將宋正文武斷鄉曲毆傷汛弁得旨宋正文卽行革職照例訊辦○崇厚恩福奏伏查從前鳳凰邊門外特留一段閑荒禁民耕種原欲隔截中外以免民物混雜嗣因邊境防範維周流民開墾日衆同治年間經欽派升任侍郎延煦等出邊履勘維時邊外已經耕種殆徧該侍郎等曾與朝鮮委員在於邊界會商旋據奏稱朝鮮所慮在於民物混雜而欲除混雜在於邊禁之嚴不在空地之廣擬或因山因水挑濠築牆爲界並詳擬邊禁章程奏明在案惟歷年以來總未妥辦近則愈墾愈

多直抵江沿並無曠土所以前署將軍尙拜崇實有劃江爲界之請並請出貢道挑濠定界其餘沙河子地方設官駐紮者正恐彼此流民或有私越官將就近稽查以昭嚴密今該國王慮及沙河子築城設衙與伊國只隔蕪杭之水彼此人民易致混雜交易貨物自易潛越請嚴立禁令另行防遏各情查奉省邊界情形節經升任侍郎延煦等前署將軍尙書崇實迭次查勘詳細奏陳自可毋庸再議惟嚴立禁令一節自應查照升任侍郎延煦等前議章程由該管各官隨時查明如有中國流民私越過江一經拿獲卽於訊明後就地正法將原拿官兵酌予獎勵失察各官治以應得處分如訊有私賣私收情弊應與私越同科倘各項匪徒擾及朝鮮國邊境卽爲中國犯法之民准該國王隨時拿獲解交盛京將軍奏明卽在江邊正法敢拒捕者准其格殺後咨明盛京將軍據情代奏如有朝鮮國民違禁越境亦卽解回朝鮮辦理至於朝鮮入境貿易向由盛京各部派出中江監督在鳳凰城徵收稅課以便稽查並由將軍每年派員帶兵在中江羣並頭道溝守卡換防戍守每季派委城守尉協領作爲統巡與朝鮮會哨藉得聯絡聲氣彼此相通遇有中外應辦之事隨時會商稟請辦理現在一切向章應請悉仍其舊除由奴才等嚴飭該管各官認真稽察並出示曉諭以申禁令外相應請 旨飭下禮部咨覆朝鮮國王彼此如有私自侵越之人卽行遵照以上章程辦理以綏藩服而示懷柔下禮部知之○崇厚等奏查興京副都統係新設

之缺有統轄東邊之責公務紛繁並令其就近督辦抽收新兵堡等處山貨稅務其每年例領養廉銀五百二十兩實屬不敷辦公擬請卽於所抽貨稅項下自三年爲始每年撥給銀二千兩作爲該副都統養廉所有向領盛京戶部之養廉應請卽行停止下該部知之○戊申清明節 上詣 奉先殿 壽皇殿行禮○沈葆楨奏據上海探運局江西補用道胡光墉稟稱例因海州阜甯鹽城等州縣歲荒民饑而沐陽尤甚其散至江南蘇常等處均經地方官紳隨時賑濟而老弱無能出境者待哺嗷嗷莫之能顧職道捐賑小麥八千四百石棉衣四千七百件並勸滬上紳商集銀一萬一千兩棉衣三千數百件山海道運往請撥官輪船地帶飭知沐陽令彈壓散放萬勿俯予請獎等情臣查本年江北災區甚廣臣於各局庫搜括殆盡而車薪杯水苦喚奈何詢道阮首倡捐又與人爲善籌集鉅款運往散放以拯災黎其不欲仰邀獎叙實屬出自血誠並非故爲推讓惟臣當束手無策之際驟見窮民得活且慚且感何敢遽於上聞合無仰懇 天恩俯准飭部查照行取捐戶員名銀數按災賑成案給予獎叙以昭激勸而廣 皇仁下戶部知之○崇厚奏竊查奉省東邊外南北延袤千有餘里東西相距亦數百里至數十里不等上年風風東邊外東溝一帶丈濟地畝之後隨經前督將軍尙書崇實奏明設立安東一縣委員試辦迄今一年之久地方公事漸經辦有條理民心尙爲帖服上年經徵錢糧俱已掃數完納其安東以北暨雲陽碱

廠旺清三邊門外並鳳凰城沿邊以及通溝各處地畝續經總辦邊務候補道陳本植知府恆泰提督左  
寶督飭各委員分路設局逐段清查現據旗民各戶赴局投報者約可增至七十餘萬畝合之安東縣  
上年升科五十三萬餘畝及前數年已報升之五十萬餘畝通計其地不下一百七十餘萬畝此外尚有  
未經清丈之地甚多所有安東一縣元年已收押荒者二年起徵錢糧其前此已經升科之地則照章納  
糧勢難再辦押荒此次續行丈出之地則先收押荒再行起徵錢糧以每畝徵銀三分計之以一分津貼  
各州縣辦公統俟一律丈完升科之後每年約可徵收正款三萬數千餘兩此外蘆塘爲數無幾山貨雜  
貨糧石斗租及燒鍋各稅甫經試辦亦難約計成數至木稅一項元年因東溝賊匪甫經蕩平其多年堆  
積木植下運商賈雲集徵收較旺共收東錢九十餘萬兩二年則木植下運漸少商販亦稀僅收東錢五  
十萬兩有零查此項木植來源現離水路較遠下運漸難稅自漸少歲入確數勢難豫定奴才崇厚奴才  
恩福到任後節據陳本植等稟報前情正在核辦間奴才崇厚承准軍機大臣字寄奉 上諭恩福奏東  
邊新墾地畝請添設旗署招佃旗丁無庸添練勇營各摺片著崇厚體察情形妥議具奏等因欽此奴才  
等公同商酌該副都統原奏不爲無見除所陳添練勇營一條另行附片擬奏外查前署將軍尙書崇實  
以邊外結廬耕種業已多年不特各處流民託以爲業卽各旗閒散亦不免藉地營生因而推廣 皇仁

奏辦升科納稅等事以爲化私爲官之計而邊氓甫經向化若必區分旗民畸重畸輕又恐不足壓服人心所以奏請但凡認地開墾者一律編入戶口冊籍以示旗民一體之意仰蒙 聖明洞鑒恩准在案而所編冊籍復經前署將軍尙書崇實飭各委員等於本戶名下分別註明旗民字樣以杜改旗爲民之弊是該副都統所慮旗人隱名於民間報地畝者前署將軍尙書崇實固已早籌及此也至此次投報升科按戶或數十畝或數百畝不等且皆各管各業尙無套報情事該副都統所稱一人任意指報極多可以分段出兌招佃旗人此事或指從前而言與現在情形又不相同其所稱邊外添設旗署一節查奉省邊內前此本係旗多於民嗣則旗民聚處所以各城設立城守尉協佐等官又設州縣官以便旗民分治邊外民多於旗且旗人不過民人十分之一二奉省州縣各官業經奏准不論滿漢一律請補均加理事同知通判現在設立州縣照舊加銜請補即可旗民兼理奴才等察看邊務所最要者上年試設之安東縣僅管遼南一隅之地迤北一帶幅員遼闊現經清查地畝業有成數若不卽行添設州縣委員試辦散而無紀不足維繫人心當經札調陳本植來省面加訊問逐細籌商目下亟應擇地設官修築營堡建置衙署兵房以爲經久之計因擬於六甸之寬甸添設一縣名曰寬甸縣六道河添設一縣名曰懷仁縣頭道江添設一縣名曰通化縣分疆畫界委員分署並於每縣各設巡檢一員管典史事但此三縣所轄地面

戰廣尙須選擇地勢添設分防佐雜各官以資襄理其寬甸縣卽與已設之安東縣及邊內所設之岫巖州統歸鳳凰管轄懷仁通化兩縣則歸興京屬管轄庶幾地方有所責成可免人心渙散之虞其未經丈完之地亦可由各該縣會同委員官查勘所有各處分局當卽酌量裁撤歸併以節經費惟先後既經改設二廳一州四縣則前署將軍尙書崇實原擬於鳳凰城添設邊關兵備道一員亦應及時設立派員試署俾令提綱挈領巡視東邊第邊外地方南北相距迢遙奴才等體察情形公同商酌夏初江海之交南路帆船雲集該道應駐東溝一帶稽查木稅慎重海防秋後水涸冰凝北路邊防緊要又應馳赴頭道江以上彈壓稱催徵收一切迨至冬末再回鳳凰城清盤公件一年之間南北分巡周歷始能彼此兼顧至於邊外扼要之地甚多且北接吉林防務尤關緊要現時東邊駐紮本省並客兵各隊已有兩千數百名之多將來邊外非留重兵不能鎮懾奴才等再四思維惟有將奉省議准滿漢練軍酌撥數營換防駐守若無統領之員實不足以資控制查興京副都統係駐旺清門內離邊較近所有邊外各軍統歸節制現任副都統色楞額道員陳本植本係奏派練軍翼長應卽仿照各省鎮道體制與興京副都統及邊關道會同辦理東邊防務仍兼統練軍翼長至邊關道南北分巡若無親兵不足以備緩急擬於前設大孤山步隊及邊外新添各兵設立道標馬兵二百名步隊五百名作爲兩營以便該道親統所有該副都統



節制之兵亦准該道調遣庶文武和衷共濟始足以綏靖地方除繪具邊外地圖帖說咨呈軍機處備查外其餘未盡事宜奴才等當隨時體察情形悉心籌畫妥議具奏請 旨遵行下該部議奏○己酉允翁同龢請免同治十年以前民欠錢糧○沈葆楨裕祿奏前因皖境江面之和悅洲地方已成繁盛市鎮請將歷駐蕪湖之太平府簡缺同知移設和悅洲改爲池太江防捕盜同知並因該洲地當衝衝捕務煩要請定爲衝煩要缺經 臣等於光緒二年七月內聯銜具奏奉 旨該部議奏以此旋准部咨以應歸部選各缺例不准妄請更改如實因今昔情形不同必須隨時酌改者亦應遵照定例丞倅牧令缺卽於丞倅牧令缺內改簡互換以符定額茲將該同知定爲煩缺並未將煩缺改簡核與煩簡互換之例不符應令於煩缺內酌定一缺改爲簡缺再行奏明辦理於光緒二年九月內具奏奉 旨依議欽此知照到皖 臣等當卽飭司於通省各缺中悉心體察有無可以改簡互換之缺去後茲據布政使紹誠按察使王恩沂詳稱安徽省各府同知均屬中簡之缺惟鳳廬同知係題調要缺查該同知當初酌量改移實爲要缺係因地方緊要茲該同知駐紮處所界在鳳廬兩府之間民情强悍捕務甚繁礙難改簡他如通判州縣各缺安徽省本無繁缺通判無可酌改州縣缺中核其原定賦額審察現在情形皆無今昔不同之處亦難驟議更改等情詳請覆奏前來 臣等伏查和悅洲地方本係江灘從前原無鎮市嗣因水師紮營其間商賈因

之雲集現在人烟稠密儼成巨鎮審時度勢本應添設一缺以資彈壓而經費支絀創建不易因思太平府同知駐紮蕪湖縣與巡道蕪采營知縣同在一處尚可酌量改移此係於因地制宜之中爲撙節經費之計而和悅洲地當孔道五方雜處藏奸匿匪以及賭博打降等事勢所必有茲既責成該同知就近辦理則政務殷繁不能不定爲題調要缺部議以爲以簡改繁卽應於繁缺內改一簡缺互換事關定例自應遵辦惟此次將太平府簡缺同知爲池太江防捕盜要缺同知係本應添設之缺不得已量爲更改較之原缺駐紮原處今昔情形不同更改互換者有間且據藩臬兩司詳覆安省實無可以改簡互換之缺亦係實在情形合無仰懇 天恩俯念和悅洲地方實係衝繁可否准照原議將池太江防捕盜同知定爲題調要缺免其互換如限有定例必須繁簡互換安省現在實無可以改簡之缺查太平府同知本係簡缺今移設和悅洲改爲池太江防捕盜同知擬請定爲繁難中缺恭候 飭部議覆施行下吏部議奏

○辛亥祭 先農壇遣慶恩恭代行禮○諭給事中郭從矩奏京控發審案件請飭明定章程一摺據稱近來京控案件往往有濫列多名意存傾陷並有頂替包攬教唆等弊此等刁風斷不可長嗣後各省督撫於京控發回案件呈內牽連之人務須詳慎分別提訊不得濫及無辜致滋拖累其在京各衙門收呈後照例解回者應如何將原告抱告年貌供招查訊確實之處著該部明定章程以杜弊端至京控發交

各省案件該督撫等往往仍交原問官審訊該員意在迴護輒照原審擬結致多冤抑嗣後該督撫等於京控各案不得仍交原問官覆審倘承審之員有意瞻徇卽行從嚴參辦以重刑獄○壬子晉慶奏遣撤調防歸綏神機營官兵報聞○兩○諭徐宗瀛奏官軍剿捕匪徒生擒首要出力員弁請獎一摺廣西馬平縣革生藍生聚藉要挾減糧爲名煽惑鄉愚糾黨滋擾經道員易元泰等督兵剿辦該匪膽敢聚眾抗拒官軍合力進攻於上年十二月間在老歪山水巖內將藍生聚擒獲並先後緝獲著名匪徒多名正法民情現已安謐仍著將餘匪趕緊緝拿毋任漏網出力之道員易元泰著賞給三代一品封典並賞換哈希巴圖魯名號總兵莫雲成著交軍機處記名遇有兩廣總兵缺出請旨簡放並賞加提督銜以示鼓勵其餘在事出力員弁著准其擇尤保奏毋許冒濫○諭御史劉曾奏賤役買籍贖考請旨斥革一摺牛守仁卽牛珍又名牛升曾在廣西懷集靈川賀縣署內充當門丁輒敢勾串劣紳買入臨桂縣籍令其子牛光斗朦混應試倖中舉人賤役買籍贖考有干例禁亟應嚴行懲辦牛光斗著卽行斥革並著廣西巡撫飭屬查明牛守仁如有朦捐官職情弊著一併斥革按律懲辦以澄流品該部知道○癸丑榮全奏撤回索倫官兵報聞○豐紳等奏巴彥蘇蘇防軍擊賊神勝情形得旨覽奏已悉仍著督飭官兵嚴密巡防飭將逸匪搜捕淨盡以絕根株○文彬奏採買米穀免納稅釐報聞○丙辰諭手郡王於三月初四日奉

移暫安處著派豫親王本格於是日前往府中奠醊並派怡親王載收送至暫安處再行祭奠

東華續錄

光緒十五

臣朱壽朋敬編

臣汪錫增恭校

三月丁巳朔祭 奉先殿行釋服禮告祭於 太廟命奕訢詣 孔聖廟恭代行禮○文煜丁日昌奏閩省吏治因循成習積案疊疊未定罪犯及牽連人證禁押既久動致拖斃是欲蘇民困當以清理庶獄爲先必澈底根究悉心體察揭明其所以然之故俾和盤託出癥結方可盡除必力破拘攣劃示懲勸稍原其不獲已之由俾改轍弗迷而倒懸方可速解等前經查明暨報詞訟各廳縣兩次彙參摘頂勒限清結並擇其尤爲泄玩者如甌寧縣知縣鄭啟明福清縣知縣魏弼文等分別奏參革職查辦一面嚴催各屬認真經理隨時告誡幾於筆禿脣焦半年以來統計辦結新舊監犯三十二名各廳縣所報冊內名數與密查實有人數尙相符合惟押犯往往有冊中僅報數名實押至數十名者卽如廈防廳押犯八十餘名而冊報僅止數名石碼廳押犯二十餘名而歷報並無押犯以此類推各州縣之匿報漏報者實指不勝屈而且有書差私押而門丁不知門丁私押而本官不知百姓或農工度日或小本營生一人被押卽一家不得安枕必賣田宅鬻妻子經營請託而後始得釋放回家當官吏博奕飲酒之時正小民呼籲無

門之時此中嘆息愁恨之聲豈不足以召水旱而干天怒自經等嚴加查究各州縣於冊報有名之押犯已結釋一千二百四十六名其未登列冊報以及書差私押計釋放者蓋又不止數千人矣尤可詫異者如壽寧縣監犯李喧淫遇赦年餘尚未釋放嚴札申斥該縣尙稟復以犯人戀監無心求釋將樂縣押犯楊長吉飭查因何事久押不放而該縣則稟復以係歷任流交之犯並無案卷可查寧化縣監犯管福以入會被禁多年現據訊明實係誣扳諸如此類殊甚憤懣均皆批飭立即保釋現計通省未定案監犯尙有二百九十餘名此等罪犯命盜居多或嚴刑所逼供詞先後翻異或書差所指供詞始終游移或僅認爲從而正凶未獲或竟訴爲冤而原告堅執干證毫無逸犯難獲問官拘以成例不敢斷結細閱各該縣牘當時如果據供定案轉在可援赦邀免之列因其供詞前後不符反繫待質不得仰沐皇仁於情亦復可憫至各該縣豈盡無其實緣歷年接替先後參差或因尋緝正凶有購線之費研鞫定案有招解之費一經隔任罕肯代爲擔當雖承緝例有處分亦已無可加重該犯既狡展不承本官亦躊躇候代任復一任年復一年欲辦不能欲釋不可遂致積重難返陳陳相因目下可辦者均已辦釋未辦者皆窒礙難行無從措手如照例悉與推究處分直須官舍爲空臣等目擊情形殊深焦灼倘再不設法整頓坐使羈囚對泣不至規斃不止既失天地好生之德亦辜朝廷欽恤之仁合無仰懇天恩寬其既

往准予暫行變通辦理以期圖屏一清擬請將光緒元年以前積壓各件如係遲延有因邀免扣計限期應招解者即行招解並由司酌量籌給解費以免瘠區藉口賠累其事在赦前罪應援免者由該管道府就近酌明詳結釋放至搶竊等案人犯無贓無證訊係誤拿者即立予省釋或先有證佐後復狡翻以及開設花會書差詐擾教唆誣搦人勒贖一切爲害閭閻情節可惡而供證未明此等桀驁之徒若一律准予釋放非變爲盜賊即流入異端擬請照搶竊鎖墩之例分別酌定鎖繫石墩以示懲創而免縱禁至牽涉命案及一切雜案人犯或供情狡展或證佐未齊因而延宕不結者比比皆是擬請援照正犯在逃餘犯監候待質之例如各犯禁押年月已逾例限即照現供定擬發落倘未滿限期扣計何時屆滿如逸犯無獲再行擬結其餘詞訟細故干連人證立即訊斷釋放並由司遴委明幹之員攜帶先前調到各案卷與之講求明晰如臨審情節互異准其稟明候示辦理不致墨守成見已分投馳赴各屬會同廳縣統限年內一併查辦清結以仰副聖主痼癘在抱刑期無刑之至意倘印委各員敢再泄玩從事逾限不結即行嚴參其能勘斷明悉執法持平一洗積習者並仰懇天恩准由臣等酌量保獎以昭激勸是前此既寬其因循之咎以後復予以拔擢之榮當無不愧奮而思自效者矣至此後新收之案仍各照定例辦理不得再有積壓仍蹈前愆倘尙有私押匿報等弊即當從嚴參處得旨下部議奏○文煜丁日

昌奏前因閩省各屬造報詞訟押犯多有偽造匿報等弊經臣等兩次奏參將署閩縣知縣出其違戾防同知李鍾霖等二十員一併摘頂聲明勒限半年責成在任各員將積案結清再行奏請開復先後奉旨允准在案茲自三月至七月連閩半年限滿各該廳縣將積年詞訟一律查覆補報押犯亦據實報明次第釋辦如羅源晉江長汀莆田甯德等縣積案已全數結銷噶瑪蘭侯官惠安松溪南安邵武等廳縣已結銷九成或八成有奇臣等查前此該廳縣或捏造詞訟或隱匿押犯以報冊為具文以懸牌為多事以躑候為不足惜以積案為無可稽任意欺朦頻年延壓僅予摘頂似尙罰不儆辜惟念積習相沿非只一人一縣之事故擬稍事薄懲俾知振作幸蒙聖慈允准該廳縣等知所欣感亦復知所畏懼是以一經懲創均能爭自濯磨現已漸無延案私押之弊民困藉以稍蘇臣等不敢徇庇其短亦不敢稍沒其勞因念國家賞罰黜陟正所以鼓勵人材該廳縣等就事論事似尙能痛戒前非合無仰懇天恩俯准將噶瑪蘭通判洪熙儒署侯官縣知縣吳森羅源縣知縣張金鑑晉江縣知縣金錫蕃南安縣知縣程鵬惠安縣知縣俞珩松溪縣知縣汪興禧署長汀縣知縣蔣寶光邵武縣知縣顧玉琳莆田縣知縣吳光漢署甯德縣知縣張道亨等十一員一併開復頂戴以昭激勸尙有原參各員仰乞天恩暫行展限半年俟確查能否一律清結另行分別辦理得旨洪熙儒等均著開復頂戴餘依議○戊午劉錫金



奏查官員堂會原不在例禁之列本年三月初五日恭遇 穆宗毅皇帝三周之辰雖三年之制已滿而梓宮尚未奉 安凡在臣工宜無不同深感伏讀二月十五日欽奉 皇太后懿旨現在梓宮尚未奉安所有年終筵宴均著暫緩舉行等因欽此是 皇上於應行典禮尚不忍照常舉行而爲臣子者受穆宗毅皇帝高厚之恩瞻仰 梓宮何忍遽行宴樂況官員堂會演戲既非不得已之事而又值時事艱難民生困苦亦非現時所宜相應請 旨飭下五城御史衙門出示曉諭自本年三月釋服後至奉安以前凡官員等堂會演戲之處概行禁止以崇 國制而肅官常 上諭御史劉錫金奏官員堂會演戲仍請禁止一摺 穆宗毅皇帝梓宮尚未永遠奉安前奉 兩宮皇太后懿旨將應行典禮分別舉行停緩大小臣工均受 先帝厚恩現在雖經釋服 山陵尚未奉安若遽行照常宴樂自必有所不忍所有官員等演戲誦會仍著概行禁止○保德以疾乞休允之○崇厚奏查秦省北邊外昌圖屬所轄幅員一千六百七十里蒙民雜處盜賊出沒無常屬屬陽坡地方會聚匪徒抗官拒捕同治四年經 欽派原任大學士文祥帶兵痛剿始臻安謐該屬本係蒙古地界邇來流民日多耕種殆遍械鬪命盜之案層見迭出祇以同知獨任其事分設經歷照磨各一員襄同佐理地大事繁實有鞭長莫及之勢曾經前署將軍尚書崇實統籌秦省全局以該屬亟須添官增兵藉資治理而屬屬地租向歸蒙古自管無款可

等因請試辦河稅斗租以爲經費奏明在案旋經崇實飭派委員前往會同該縣趙受壘安定章程試行辦理該處商民以此款爲設官增兵之用亦甚樂從計自上年六月以來河稅一項因河水淺涸船隻難通未經開辦所有斗租試辦半年業已收有一萬七百三十餘兩除去委員盤費尙存九千九百六十餘兩就現在試辦每年可以收銀二萬一千餘兩雖不能作爲定額以之設官增兵尙敷支用目下地方甚關緊要所有應行新設添設各官自應及時議定請 旨遵行查前著將軍尙書崇實原奏擬將昌圖縣同知升爲知府再於梨樹城增設通判一員八家鎮增設知縣一員並於樺甸以南康家屯地方增設知州一員分設佐雜各官相助爲理等因現在奴才等察看情形康家屯一處離昌圖較近似可毋庸添設知州擬請將該縣升爲府治仿照熱河承德府之例仍管地方詞訟各事卽康家屯地方亦可歸其自理移設八家鎮經歷於康家屯分防再移梨樹城照磨於八面城駐紮均照舊請加六品銜分司緝捕土匪並勘驗命盜各案凡有地方詞訟戶婚田土細故准其就近審理徒罪以上送由該府訊辦並將樺甸巡檢一員升爲府司獄訓導一員升爲府教授既足以重地方亦可以符體制此奴才等現擬升設昌圖府之情形也八家鎮梨樹城兩處原設經歷照磨各一員分防佐理該兩處均係扼要之區政務殷繁措理非易該經歷等職小樞輟勢難整頓今擬將梨樹城改爲縣治添設通判一員名曰太化縣另添巡檢一員

管理監獄八家鎮改爲縣治添設知縣一員名曰懷德縣另添典史一員管理監獄並均添設訓導各一員以興學校該縣應照章請加理事同知銜以便蒙民兼理所有昌圖府自理詞訟徒罪以上之命盜各案應申詳縣巡道審轉以昭慎重至奉化廳懷德縣自理詞訟徒罪以上之命盜各案則應詳由昌圖府審轉徑詳府尹核辦此奴才等現擬添設廳縣教佐各官之情形也似此星羅棋布既有提綱挈領之人藉資表率亦復畫界分疆而治各專責成但使地方慎選得人不難從容整頓惟是該處地廣民頑盜風未息東北直接吉林邊防尤難鬆緩現在三盟及吉林各客隊在彼駐紮馬隊有四五百名之多兵力尙覺單薄邊外情形實與內地不同若非多設捕盜弁兵非特緝捕難期得力且亦不足鎮壓地方現擬於該府廳縣另添捕盜營馬兵二百名交昌圖府分撥調遣以專責成所需餉乾照章給發即由此項斗租支銷以該處之所出供該處之所需既免另籌餉項並可撫輯閭閻莫此爲便至於學校之事風化攸關現既升設府學教授並於奉化廳懷德縣添設訓導各一員若不加廣學額無以鼓勵人材自應酌量議增以廣教化俾令地方有所觀感庶幾默化潛移民風漸歸敦樸以副 朝廷綏靖邊陲之至意其修建衙署監獄各費卽在上年秋冬兩季所收斗租項下動用如有不敷仍在本年所收斗租開支廉俸工食捕盜兵餉馬乾餘存項下次第興辦以上擬升設添設各員如蒙 兪允相應請 旨飭部頒發印信

關防以昭信守下部議奏○庚申延煦奏新設圍場糧捕同知請飭部鑄鑄關防頒發慎守下部知之○  
延煦奏准戶部咨開圍場新設糧捕同知一缺應於同知屬下添設同知司獄一員專司監獄又因地方  
廣闊應於西圍添設巡檢一員協同緝捕等因應請飭部鑄鑄分防圍場同知司獄印信西圍巡檢印信  
各一顆給領任事下部知之○魁玉文格恆訓奏請添旗營精銳兵丁以次訓練下部知之○辛酉允鴻  
子材來京陛見○陝西延綏鎮總兵記名提督劉厚基卒交部照提督軍營立功後病故例議卹以諱仁  
芳爲陝西延綏鎮總兵○壬戌吳元炳奏上年十月初間江北飢民紛紛過江流至蘇州者千百成羣殆  
無虛日臣卽派員在省城外擇寬敞地方分投設廠盡數截留災民中扶老攜幼徒行而至者踰入旱廠  
每日煮粥給予兩次每大口約米八合小口減半其原來有船者則編號歸入水塢按大小口給予錢米  
聽其自炊復每名酌給柴草棉花以爲禦寒之具其有疾病生產者另備醫藥棉布並通飭各屬一體遵  
辦所有籌辦各情形業經督臣會同奏報在案臣又恐各災民流離四出去鄉愈遠將來歸籍愈難且屬  
聚一處人數過多尤不免滋生事端因卽飛飭江藩司酌撥款項分發被災各州縣確查派賑並咨商督  
臣會委候補道張富年督同委員估潯鹽阜高寶等處河道以工代賑此爲未出境之災民計也一面派  
委候補知府翁繩祖馳赴揚州並札署運司劉瑞芬候補道徐文達督同該守開辦賑賑截留又派候補

知府錢寶傳赴沿江之江陰鎮江設廠收養並函致留防江陰統帶武毅軍福建提督唐定奎就近將同  
經理又派候補知府田祥赴鎮江會同府縣辦理粥廠此爲未過江及甫過江之災民計也其先過江者  
則在蘇州常州等處分廠留養並分撥松江太倉各屬安插及蘇城水旱各廠共留養一萬六百餘口又  
前福建布政使潘爵內閣中書馮芳植先後集資認養五千九百餘口派撥蘇松太各屬分養者八千數  
百口常州收養三千一百餘口江陰收養四千六百餘口鎮江收養三千數百口揚州收養四萬一千九  
百餘口又隨時分起遣回就地給賑者九千四百餘口惟是人數衆多經費難籌先飭蘇藩司與蘇局  
酌撥銀二萬兩解赴漕臣衙門以備准徐兩府粥賑之需江陰先後由司局撥銀九千兩揚州州辦之初  
先由上海墊撥銀五千兩奏准裁留籌備餘米一萬三千餘石及此項節省水腳銀三千六十餘兩一併  
濟濟賑需卽以一半米石解赴揚州一半米石暨水腳歸蘇城撥用並於省城照備倉借撥錢八千千文  
復令署臬司薛書常會同內閣中書何慎修遴派委員挑取壯災民開濬丹陽河道先撥上海賑捐銀  
一萬五千兩此外有由各屬就地籌捐者有由州縣捐廉發給者東羅西掘正在支絀之時續奉 恩旨  
准截漕米一萬石遵於抵微採買數內撥出濟用此次在事委員與地方各官無不仰體 皇仁實力實  
心規籌周至杜絕冒賑嚴防滋事節據稟報收養情形災民隨廠就賑均與地方相安無事綏靜不擾足

以上恩 宸廑計自冬初迄今留養幾四閱月查江北上年被旱地方已得大雪數次土脈膏潤各災民均有田可耕而應遵令歸籍起種春麥已先飭准徐揚海各屬採購籽種以備借給現擬於三月初中兩旬內將各災民分起委員押送回籍口糧發至二月底止另備三月份一月口糧以為遣資臨行接戶給票除省城紳士留養者自備資遣外其餘約計遣費銀一萬有零已由臣與司道暨蘇松常太各府州縣分別捐齊交與委員帶往江北俟災民到地後查照先給之票按戶給領至照備倉穀現奉 諭旨准撥三成卽就省城所發災民中查其向種田畝若干酌量給予穀種以為歸耕之資此目下籌辦遣資之情形也除俟資遣事竣分飭各地方官暨委員將經手支發各款核實造銷彙開清單咨部查照外謹會同兩江督臣沈葆楨恭摺具陳報聞○內寅楊昌濬奏擬辦縣役糾約散堂挾制本官下刑部議奏○丁卯文煜奏閩省內地續添水陸練營以期純熟而資分布下部知之○以前署紹興府知府甘炳等審案疲延交部議處○京師雨○己巳李元華奏臣出省督挑北路運河並查勘濮范兩處堤工業將出省日期附片奏報在案拜摺後隨即由省起程先赴東昌一帶沿河各屬按照估挑運河工段逐段週履督飭承挑委員總宜實力督工不准怠玩從事各該員等深知事關漕運均各實心實力奮勉督辦現在北路上下河身淤淺各處一律動工將來漕船到境必期揚帆直進淺滯無虞臣復詳飭承挑各員督率夫役

竭力深挑總期多盡一分人工卽多得分實際不惟一時補苴之計且爲日後經久之圖以仰副聖  
主慎重河防規復運道之至意至濮范一帶應修堤埝亦便道親往查驗均已督飭興工現在黃河水  
勢甫消辦理仍易爲力近河居民均知利害切身莫不踴躍趨公爭先恐後復面加獎勵鼓舞羣情並  
飭監工各員認真督催務期餉不虛糜工歸實在不准稍有草率督勘事畢卽於本月初十日水路回  
省沿河民堤均尙穩固經過各屬察看陽雨應時麥苗茂地方民情亦均安謐無堪仰慰宸懷報聞  
○庚午文煜奏准部咨議復貴州省設立軍民待質公所章程行令各直省察看情形可否倣照籌辦查  
明具奏等因奉旨依議欽此欽遵咨會到閩伏查閩省民情刁健詞訟繁多所有提審委審案件牽連  
人證羈押待質情形實堪矜憫曾於同治十三年間倣照浙省成案在省會設立候審公所將各案待質  
民人徑發該所委員專心經理一切章程核與現在貴州撫臣原奏大略相同前兩淮鹽課大使湯用中  
原議亦經發司刊刷成本通飭遵辦並因各屬積案繁夥經臣與丁日昌先後奏請設法變通勒限審結  
原期案牘一清可免人證之拖累也茲准部議提解犯證遲延處分及看管委員功過章程至周且密閩  
省自應一體遵辦其待質民人所需經費並遵新章照監犯日給口糧鹽菜之數自光緒三年正月起由  
藩庫撥款按季支銷仍隨時實力稽查不准陵虐剋減一面督同認真審理務期案無留牘民鮮拖累以

仰副 聖主矜恤庶獄之至意報聞○諭朕奉 慈安端裕康慶昭和莊敬皇太后 慈禧端佑康頤昭豫莊誠皇太后懿旨惇親王奕誼等奏遵旨相度 太廟中殿位次請飭廷臣會議一摺據稱我朝自順治初年創定 廟制迄今 列聖廟享中殿龜位已與九間之數相符等語 穆宗毅皇帝 孝哲毅皇后神牌升附供奉位次鉅典攸關著王大臣大學士六部九卿翰詹科道虔詣 太廟敬謹相度後會同 惇親王奕誼等妥議具奏○辛未子貴州歷年陣亡官紳磨廷楨等旌卹○諭載鋼等奏 西陵禮部贊讀官向例與八旗騎校一體揀選防禦升補後仍兼贊讀之差擬請嗣後贊讀官補授防禦後卽歸八旗當差咨報太常寺開缺另補等語向來贊讀官行走十年准補防禦原因其禮節嫻熟是以仍兼贊讀之差載鋼等所請與定例不符著不准行○命五城飯廠展限兩月○癸酉諭朕奉 慈安端裕康慶昭和莊敬皇太后 慈禧端佑康頤昭豫莊誠皇太后懿旨孚敬郡王現無子嗣著以奕棟之子宗室載煌改名載沛承繼孚敬郡王爲嗣封爲多羅貝勒所有應辦事宜著該衙門照例辦理○以拐賣女子革參將尹長林職並歸案審辦○諭前經簡派三品銜候補五品京堂劉錫鴻充出使英國副使著改派該員充出使德國欽差大臣並賞加二品頂戴○甲戌諭崇厚等奏屬員玩延命案請旨革職歸案質審一摺署理黑龍江呼蘭廳同知文燦前在岫巖廳任內於民人崔海松被劫拒傷身死一案延不相驗並誣稟



屍子崔翰等串謀勾賊劫取財物等情實屬謬妄文嚙著先行革職解任由崇厚等移知黑龍江將軍飭令該員速赴奉天歸案聽候質訊如查有被朦偏聽誣陷無辜情事卽著從嚴參辦該部知道○乙亥崇厚奏酌立清訟規制得旨如所請行○崇厚奏嚴禁屍場使費擬另立專條下部議奏○內子諭鄧華熙奏訪聞廣東陣亡殉難紳民團勇開單懇請旌卹一摺廣東陽江屬等處前被逆匪竄擾該紳民等成陣陣捐軀或從容就義均堪憫恤該御史繕錄廣東見聞較確所有單開之從九品銜陳文熙等五百五十一名均著交部查明除業經得有卹典外餘俱照所請分別旌卹並准其自行捐資建祠以彰忠節該部知道○諭御史鄧華熙奏賤役之子朦捐冒考請旨斥革懲辦等語廣東番禺縣人何炳南卽何菊屏迭充南海番禺東莞各縣門丁膽敢令其子何伯麒朦考入學並捐主事又令次子何駿聲改名何瑞榮冒入順大籍中式內子科鄉試舉人實屬不安本分應嚴行懲辦主事何伯麒舉人何瑞榮均著卽行斥革交劉坤一張兆棟將何炳南卽何菊屏一併按律懲辦以儆效尤而清流品該部知道○丁丑以解清京餉議敘奎元藉裕祿詡誠楊昌濬慮定勦平鴉片葆亨俱加一級○左宗棠奏軍出關餉需上年奏蒙天恩准發部款二百萬兩各省提前解三百萬兩飭各省協款毋得以八成自限如不能解至八成以上部臣從嚴參辦並恩准借用洋款五百萬兩臣念部款二百萬兩各省提前解三百萬兩均

是餉復蒙 諭飭各省協款以八成上解餉事可期敷衍毋庸借用洋款徒耗息銀又前次所借洋款  
尙須一年各省始可清還完結若仍於上年議借則新借之款并於本年內劃還本息亦慮各省關局轉  
維艱故上年卽不復籌及借用洋款惟出師絕域距協餉各省均在數千里萬里以外而總計已到之餉  
實祇供九月十月之需誠慮各省催解不前餉源中斷一面具奏請 飭部臣分別行催一面豫籌借用  
洋款定以本年成借分年劃還本息庶事體從容各省得稍紓籌措其洋款尙未籌措之先由臣飭滬鄂  
陝各案局恩借華商巨款暫資接濟議俟洋款借到分批劃還旋據各案局稟恩借華商銀一百萬兩迅  
解來甘均一分二釐給息並飭上海轉運局員江西補用道胡光墉訂借洋款照例還華商免致失信  
而息銀亦期節省旋據胡光墉稟陳商借各情臣批令就可恃巨款訂借成交以憑分別奏咨立案其銀  
限以本年三月內到甘適各省關協餉於上臘源源而來不但上年十一月及年關滿餉得以開支加意  
撙節卽本年春季亦資敷衍竊計屆時洋款可望到甘除劃還華商外尙有巨款堪資接濟當無臨渴掘  
井之虞不料上海洋款被許厚如託詞朦借洋商各起猜疑卽前此親赴胡光墉處承認出借之洋商亦  
購辦不前情形頓異據後路糧臺道員王加敏稟知接胡光墉轉稱訂借洋款事多夾雜雖竭力籌辦未  
卜有成與否而進攻南路及規取吐魯番各軍已指春融爲師期奏調填駐烏魯木齊馬步全軍與防護

古城迤西及巴古一帶運道馬步各營業經咨遣出關所需餉糧採運正雜津貼各款至繁且鉅均非預付現銀不辦懸軍深入勢難稍有停待洋款既不足恃協款又無現成巨數豈指何以迅赴戎機興思及此殊深焦灼合無仰懇 天恩飭各省關將應協本年西征軍餉提前速解四百萬兩俟均解八成以上俾兵機順利得免意外之虞則大局之幸亦微臣之幸也如一時未能驟集巨款即照陝西撫臣譚鍾麟前奏各省分向本地富商議息借湊先期解甘仍各按每月應解之數分期劃還商款而息銀仍由山西征餉內劃扣在各省無洋款限期迫促之煩無墊息虛耗之累似於各省無損而於軍餉有實際可資并請 旨飭下部臣查照譚鍾麟呈開各省應解新餉原單迅速酌議不勝惶悚待 命之至又奏本年正月十七日准科布多參贊大臣保英題 旨委員墨麟沙蘊善押解吉爾洪額依勒和布永成等到臣行營比發交署安肅道福裕收審適甘涼道鐵珊因公到肅臣委鐵珊會同福裕研審確情錄供詳辦茲據詳報吉爾洪額依勒和布永成等各供詳請具奏前來 臣維吉爾洪額疊次因病告假金順始派員接帶據供起病在未曾委員之先數日然委員業經到營自應及時交卸即所統官兵因欠餉未到慮其無著亦宜明白開導身留營中聽候核算交代豈可諉稱開導各兵不聽任其譁潰據供各兵疑全福明圖善先後逃逸以爲截取科布多餉銀和率譁潰查全福明圖善潛赴金順軍營原因全軍譁潰應爲牽制不

能自由故潛蹤赴營自明心跡足見當時各兵洶洶吉爾洪額等不能自主尙非盡屬虛辭惟全福明國  
營尙知投歸主帥急明心跡爲是該革員等何以見不及此公然隨隊北行雖據供依勒和布永成由吉  
爾洪額派令追趕各兵吉爾洪額旋亦跟蹤前往親至老龍布拉一帶節節彈壓及博東齊河始行截回  
縱圖追趕各兵截回歸伍係屬本心然查其折回乃在烏理雅蘇台科布多奉 諭旨嚴拿之後何能因  
其有所藉口遽謂情有可原細核吉爾洪額等所犯情節均由其專側初次被沙克都林扎布奉札截提  
移還欠款軍情不無缺望嗣因委代統領又卽沙克都林扎布各兵疑接替之後應得餉項將歸無著遂  
惡患吉爾洪額等抗不受代任意北行吉爾洪額又因前次誣訐金順各款經 諭旨按款查明校陳  
均屬失實恐不爲金順所容遂至圖莽糊塗激成此舉疊奉 諭旨交 臣嚴行查辦按律懲治 臣查訊供  
詞吉爾洪額所犯不服調遣不遵節制任性妄爲雖供吐未能盡實而情罪已屬顯然依勒和布永成雖  
供無主謀唆關等情然不能諭禁并兵後與吉爾洪額隨隊北行論罪何能求減 臣既奉 諭旨嚴行查  
辦按律懲治自應詳繹律文博攷成案以期允協而肅戎經惟該員等所犯按之軍律刑律中樞政攷處  
分則例治罪專條情罪均不相符若仿軍興法擬辦未免過重竊維吉爾洪額依勒和布永成等任意妄  
行正當用兵之際法本難寬然幸天戈所指旋克數城該軍雖背道而馳於大局尙無貽誤奉 旨帶隊

回營沿途約束官兵晝夜續行並無違犯而該革員等征戰著績屢膺保獎追念前勞又尙有功可議合無仰懇 天恩迺格將已革墨爾根城副都統吉爾洪額記名副都統依勒和布驍騎校委參領永成均山死罪上減等發遣圖廣交將軍都統嚴行管束以昭法外之仁抑折獄不厭精詳或請 旨飭交兵部刑部會議定擬具奏出自 聖裁 上諭軍機大臣等左宗棠奏餉需孔亟請飭各省關提前措解一摺西征軍務正在得手目下已屆春融所有進攻南路及規取吐魯番各軍需餉甚急亟須速籌鉅款以期無誤戎機各省關應協本年西征軍餉著沈葆楨吳元炳劉秉璋梅啟照衛榮光李瀚章翁同龢劉坤一張兆棟王文韶李慶翱文格李元華鮑源深裕祿丁寶楨何璟丁日昌各按照該省應解西征餉數迅速提前合解四百萬兩餘均解八成以上毋得稍有遲延現在訂借洋款既不足恃各省尤當通力合作以圖接濟倘一時未能驟集巨款准該督撫等向本地富商議息借湊先期解甘仍各按每月應解之數分期劃還商款所有恩銀卽由西征餉內劃扣以期迅速原摺均著鈔給閱看另片奏請已革副都統等發遣等語本日已明降諭旨將吉爾洪額發遣福建依勒和布永成發遣廣東卽著左宗棠將該革員等速行啟解咨明各該將軍等嚴加管束將此由六百里諭令左宗棠沈葆楨何璟李瀚章劉坤一丁寶楨文格吳元炳裕祿劉秉璋梅啟照丁日昌李慶翱翁同龢王文韶張兆棟鮑源深並傳諭衛榮光李元華知

之○左宗棠奏 諭旨以帶隊大員豈竟不知法紀何以膽大妄為至於此極是否金順有不善駕馭操  
之過激之處並著左宗棠一併查明據實具奏○維吉爾洪額等以兵丁久從征伐積勞得官向本不諳  
律法又以所帶官兵有隸神機營者非常旗綠各營可比客氣積漸而增與人寡合○早有所聞金順  
所劾各節均有實跡可按本非猜嫌忌嫉之私亦並無過事吹求之意惟指其意圖創亂日為亂臣賊子  
雖當師期已迫所部不遵調遣急遽之間措詞未免過當而原其本心則固無他也謹據實覆陳報聞○  
戊寅李慶嗣奏豫省先後籌賑並捐廉助賑各員請獎得 旨著該部查照天津成案核議具奏○裕祿  
奏臣欽奉 寄諭夏同善奏請籌恤流民一摺等因欽此○跪誦之餘仰見 聖主勤求民隱之意當即  
行司道飭遵照在案伏查安省去年秋成情形皖北夏旱較重民情困苦臣先經奏撥司庫地丁銀二萬  
五千兩發交安慶鳳穎兩道分別存儲體察所屬受旱較重之區查明極貧戶口量為撫恤察核各屬稟  
報散放情形均能實力辦理又幸臘雪霽星所種麥麥大得滋培人心益定現值春融東作方興小民有  
工可趁自不致再行求食他方凡遇外來過境飢民已飭各屬妥為資送回籍毋任還遘其本省飢民有  
自鄰省陸續歸來者並飭加意撫恤妥為安插○復與司道熟商籌款飭由鳳穎道預買飽綻新稻三四  
千石分撥皖北災區各州縣查明困苦貧民無力耕種者即將此項新稻酌核散放用作籽種俾得乘時

耕作不致廢時失業現在晴雨尚稱調勻民情安謐堪以仰紓 宸廑報聞○己卯 上諭 奏先嚴  
壽皇殿行禮○允李鴻章奏旌孝女王氏○辛巳丁丑奏懲辦黨役並將臺灣縣知縣白鶴卿撤任報  
聞○丁丑奏鹽務委員劉備私用重秤非革職所能了事除飭提郡嚴訊炮扣若干勒令賠緘外並通  
飭各屬縣如所屬鹽務有弊地方官不舉發者查出一併科罪報聞○壬午頒給揭陽縣 關帝廟匾額  
○丁丑奏我 朝深仁厚澤薄賦輕徭前代所有弊政無不概予蠲除凡可以紓民力之艱難實 國  
家之元氣者雖在田賦正供不惜減之又減仰見我 皇太后 皇上惠澤綸浹損上益下民說無疆實  
足超軼夏商臺灣雖屬重洋遠隔海外一隅然百姓生計之盈虛無一不座 宸衷之念慮茲因該處所  
徵雜餉尚有相緣鄭氏舊轍未經釐定者謹即據實臚陳仰乞 聖明采擇查臺郡當鄭克塽歸誠時僅  
有臺灣鳳山嘉義三縣地界其彰化縣淡水噶瑪蘭兩屬皆係後闢幅員東至內山西至海地皆淺狹惟  
南北袤長計臺灣鳳山嘉義三縣合長二百九十里其額徵供穀十三萬餘石而後闢之彰化淡水噶瑪  
蘭三屬縣合長五百八十里僅額徵供穀五萬六千餘石核計彰化淡蘭之地比臺灣鳳嘉幾多一半而所  
徵之穀比臺灣鳳嘉反不及一半何哉蓋山臺灣鳳嘉三縣開闢較先所徵稅則皆沿鄭成功之舊而彰  
淡蘭新闢之地則由朝廷新定科則故賦稅較輕民皆樂業議者或慮畸輕畸重然有田而後有糧百姓

勉事耕耘尙不致缺虧正額其尤爲民累者則莫如雜餉查雜餉名目繁多內如歸化生番不植稻麥無區畝可計無田糧可科僅知捕鹿種麥按數納餉卽以鹿皮小米爲石至所謂塏餉者則徵於蓄魚之所所謂蔗車糖蕭者同業異名係各就田園設廠雇工營作按則徵餉如此之類雖爲苛細然因其稍有贏利酌取一二以益正供不過如四川之有碾榨稅直隸之有榛栗稅於民尙無大損他如海水支流曰港渚深積水曰潭凡可養魚之所卽與塏餉一律徵收日久地勢變易或填成田畝稅項仍不能減若有水道可通之處無論竹筏小船連載貨物卽按照抽資又如草厝瓦厝卽市廛建屋之基牛磨磨麪之場旁及瓦窰菜園檳榔番棧莫不徵餉其徵諸漁戶者則曰畚曰罾曰綽曰滾曰箔曰網曰滬曰烏魚旗吏有採捕小船亦徵稅餉析及秋毫吏役藉此勒索橫徵窮民苦累實甚且所徵雜餉傭工魚民均皆去來無定官役不能盡悉底蘊則必需熟悉情形之士蒙出爲包攬先須於地方官預納承充之費然後壟斷浮收舐榷及米輪於官者十取於民者百一至至夜查悉各弊卽擬稍爲釐剔而各項名目過於瑣碎影射牽連非盡斷萬藤終難絕其弊竇除番社所輸鹿皮小米猶有任土作貢遺意暨民間塏餉蔗車糖蕭其弊尙易釐剔應仍其舊外所有港潭等項雜餉統計各屬共有五千二百二十三兩九錢六分五釐均應豁免以除民累其港潭有浮變成田者另行勘明升科飭據臺灣道夏獻綸轉據臺灣府知府張



夢元查覆開單具詳請奏前來伏查臺灣府所屬臺鳳嘉三縣正項供穀徵收既重而雜餉名目尤繁小民終歲勤勩所得幾何而一經胥吏嚙突叫嚕遂有枷棒在戶鷄犬無聲之歎民困何由而甦元氣何由而復乎此項徵收名目本屬鄭成功開端向爲內地所無之舉若逢 聖主至仁如天與民休息雖江浙數百萬漕糧猶蒙裁減況臺地此起雜餉每年所徵合計不過數千餘兩且各項皆係就地徵納支發歸入奏銷臺灣近年出產茶葉樟腦等項釐金關稅均屬新徵較之此起雜餉多至數倍而臺北現議籌開礦務則地利更可橫興前項雜餉爲數無多請卽查列清單恭呈 御覽合無仰懇 天恩俯准將單開徵收雜餉各款自光緒三年起永遠一律調除如蒙 特旨允准卽當敬謹將黃宣示 恩德務令僻壤周知以杜吏役藉詞需索規費庶期實惠及民至各縣縣有應支之款當飭該道府另籌撥補亦不至有所窒礙 上諭丁日昌奏臺灣府屬各項雜餉苦累開單懇請豁除一摺福建臺灣府屬各項雜餉徵收日久弊竇滋多小民苦累情形殊堪軫念所有臺灣府屬屬縣港潭等項雜餉共五千二百二十三兩零著自光緒三年起永遠一律調除該督撫卽按照單開各項及額徵數目刊刻謄黃徧行曉諭務使實惠及民毋任吏胥中飽用副朝廷加惠閭閻至意○諭宗人府奏應給員勒分內應得之數給與○黎培敬奏黔省郡王之承繼子載沛已封爲貝勒其應有官員甲數著卽照貝勒分內應得之數給與○黎培敬奏黔省

軍需報銷核准各營屬欠款簡懇增廣學額舉額並獎敘本身子弟下戶部議奏○甲申景瑞奏恭報歲修燕郊四處等工下該衙門知之○潘鼎新奏耗銅未能加增其鑿鑿名不符及漏備印冊委因滇省檔案無存未能照章辦理尙無別項情弊下部知之○諭前因神機營奏營員護軍參領雙喜在吉林訪聞金匪韓邊外有招黨挖金及勾匪搶劫情事經該參領拿獲匪黨侯毓麒等五名與署吉林將軍育尼音布咨文所稱侯毓麒等前往省城買貨被獲將帳簿等物搜去情節互異當經諭令銘安訊明具奏茲據奏稱韓現琮即韓邊外原係金廠頭目前經將軍富明阿飭令安插流民及帶勇守城保獎六品頂戴此後並無爲匪確據侯毓麒等均非金匪審明擬結等語此案侯毓麒等應得罪名著刑部議奏在逃之張禮李得貴著直隸總督飭屬嚴緝務獲究辦韓邊外能否安分著吉林將軍隨時留心訪查嚴加管束並著該將軍卽派幹練弁兵將挖金匪犯認真搜捕毋稍疏懈護軍參領雙喜所稟各情事出有因其誤拿侯毓麒等送官亦爲因公起見著從寬免其置議餘著照所議辦理○乙酉上詣太廟行禮○是月裁駐英副使以劉錫鴻爲出使德國欽差大臣

夏四月丙戌朔時享太廟遣奕劻恭代行禮○准餘杭縣紳民捐建忠義祠列入祀典○丁亥先是郭嵩燾等奏西洋通市廣東已越千年從無侵擾明季利瑪竇游歷中國歷國朝而湯若望南懷仁繼之

適我 聖祖請求天文算學得與燕游侍從親王及諸大臣亦時咨訪所學待以賓友及我 高宗召見馬格立特准行西洋禮至今西洋人士言之猶相與歎其人類皆多學好禮於中國歷無嫌怨道光二十年議禁鴉片烟遂至失和展轉相尋以有今日是西洋與中國構患之源實自鴉片烟始推原禍端鉅痛深宜如何疾首感額相為戒禁以示無忘國恥之義而就中等耳目所及言之自道光時定立鴉片烟罪名設法嚴禁官吏奉行不能如法但藉以為差役訛詐之資始終未懲辦一人所定罪名亦苦太重相與玩視咸豐九年議開鴉片烟之禁而於在官人員及應試士子及營兵仍不准其吸食則但視為具文無知有禁令者因查鴉片烟之禁始自雍正時其初但充藥品販運內地所恃政教修明官吏稱職民間凜凜畏法無敢吸食至道光初其風始熾浸尋山印度傳至雲南而南土興矣展轉傳至四川而有川士又傳至甘肅而有西土山是而至貴州山是而至陝西山西一二十年來廢田而種鴉片歲益浸廣而西洋販運中國亦歲益增多足見開種日繁即吸食者日眾勢將盡中國之人皆至失其生理槁項黃馘奄奄僅存無異殘廢西洋人士知鴉片烟為害之烈與中國受害之深也相與設為公會廣勸禁止栽種販賣甚至倫敦其地世傳夏弗斯伯里及議政院馬光斯求爾德及教士里格德爾刺爾丹拿畢等五十餘人相就論此義形於色其議政院阿什伯里徧游各國所至風土人情皆照相以記之而於中國男女

倡臥吸食鴉片之事共傳以取笑其愧之竊以爲禁止鴉片烟不在繁爲禁令在先養士大夫之廉恥而其要尤在長官稽查督察使不能有所寬假宜先限示三年責成督撫分飭各州縣多製戒烟方藥施散勸諭以滿三年爲期逾期不能戒者官吏參革生監舉人獲片長官不舉發者同罪而凡文武應試士子例具五童互結宜以鴉片烟爲首禁容隱者一併除名童生吸食鴉片烟皆先停考濫入場者廩保坐黜廩生吸食鴉片烟皆先停止保人濫保者教官坐黜至於三年期滿學校中不准復有吸食鴉片烟者用以激厲士民之心而作其氣亦在使知所恥而已其川滇甘陝各省栽植鴉粟則必以課爲先臣聞種植鴉粟一畝所出視農田數倍工力又復減省州縣因之添設陋規私收鴉片烟土稅亦數倍於常賦官民皆有所利以至四處蔓延積久而種植鴉粟者男婦相率吸食不能如印度所出烟土嚴禁其民吸食也因以積成偷惰之性飲食費用虛耗日多遂使田賦常供亦多不能輸納卒致官民交困而奪民食之需以空倉廩之藏廣種植鴉粟流毒無窮豈復能有自存之理因查雍正年間諭飭廣東禁止栽植甘蔗詳諄以民食爲憂甘蔗製造糖食日用所需聖心猶隱慮之何況鴉片烟爲貽害國家之具其產出印度而南洋附近之暹羅東洋之日本皆有厲禁無吸食者獨中國販運銷行每年課稅至數千萬爲英國入款一大宗而其地士紳會議勸勤爲謂烟土貽毒中國引以爲咎倡言禁止中國人民肆行吸食略無悔

悟其勢非嚴定督撫處分以督率州縣不能望有轉旋伏乞 皇上堅以持之迄以期之以三年之期責成各省學政整頓學校責成各省督撫整頓屬官而於裁種爲業又須由督撫責成州縣勸諭紳民整頓所屬地方漸摩勸化更需以二十年之期盡人民而變革之求實效而不爲虛語務力行而不貴近功其道無他在疏通民氣而已矣竊見西洋各國官民一心急使遠戍而不以爲苦煩征厚斂而不以爲苛所以然者爲無不可通之情也中國民情常苦隔閡利病好惡之私州縣能體及者鮮矣累積而至督撫則益曠遠不相及自古言善政者必以勸卹民隱爲先仰窺 列聖之成謨嚴以察吏寬以馭民於民情尤加曲體雍正時民間疾痛痾癘曲折畢達莫能殫隔是以其時無不除之弊無不行之政臣以爲禁止鴉片烟當使教化轉移之意多而防禁操切之術少使天下臣民喻知此意自有不敢不禁不忍不禁者存乎 皇上一心之運用中外人心無不嚮從 等正月內接據粵紳唐德峻等稟呈咨請總理衙門轉奏其後屢見英國士紳力除鴉片烟之害發於至誠又復曾集多人陳述此義又接粵紳桂文燦溫清溪等二稟人心向善之機想亦 列祖在天之靈所默鑒是以不敢不據實續陳并就 等知誠所及略陳辦法以期實有神益無任悚息屏營之至奏入不報至是郭嵩焘又奏 光緒三年二月初八日具奏設法嚴禁鴉片烟一摺至今未奉 批諭竊維國家興利除弊關係重大未易輕議整頓鴉片烟爲害中國五

六十年通計各省士民陷溺其中者率十之四五其害日廣其毒亦日深道光十九年 特詔嚴禁遂至  
激成海疆之禍而吸烟者愈多至咸豐九年例禁已開更無顧忌臣於此時復爲禁止鴉片烟之議人皆  
知其難行而臣揆之事理驗之人心顧猶以爲至易蓋使 國家嚴立科條責成地方官禁之徒以擾累  
百姓其終必至愈禁而愈開使人民自爲禁制以獎勵其廉恥而激發其天良則助於 詔旨一二言而  
人心自振積弊亦將自除此臣熟籌深計而決知其必然者也謹就愚見所及略具數條敬爲 皇上陳  
之一曰權衡人情以定限制之期臣前摺議禁鴉片烟以清理學校爲先所有文武職官及舉貢士紳一  
例示限三年自屬一定不移之章程而其中情節實各不同有因病吸食者有年逾五十精力已衰不  
能驟戒者惟當責成各地方清釐整飭萬不可搜剔窺伺反開揭告之風其紳民五十以上已至垂暮之  
年亦可無庸示禁蓋此次議禁之意在嚴絕其將來不在追咎其既往庶幾人心不至驚惶卽督撫大吏  
因病吸食亦可無憂反噬 朝廷但有察覺無難處辦至於學校出身之階正本清源端在於是自府縣  
試互結卽須以鴉片爲首禁應纂入學政全書萬不宜絲毫寬假此權衡人情之大端也二曰嚴禁栽種  
以除蔓延之害臣前摺敘述甘陝雲貴山西四川等省栽種鴉片情形沿西數千里之地日肆蔓延而江  
蘇之徐州浙江之台州亦皆種植鴉片有徐土台土之名而一皆銷行內地是各省多栽一畝卽民間多

增一畝之害端 國家亦多廢一畝之生產 臣在京師聞山西撫臣鮑源深請禁栽種鴉片為藥出省關兵各州縣先期拔去驛路兩旁鴉粟一二畝改種禾麥相傳為笑近年吏治廢弛日甚欺誣粉飾矣知為非非得督撫臣深體朝廷之用心切實推求斷絕根株萬不能有裨益此嚴禁栽種之大端也三曰嚴防訛詐以除胥吏之擾 朝廷明示例禁督撫下其令於州縣州縣即授其權於胥差乘勢苛擾得賄包庇其害且有不可勝言者又自咸豐時明開鴉片烟之禁旋禁旋開又旋加禁亦復無此政體 臣之愚見以為當時開禁僅及民商官紳仍照舊禁止是今日之議禁與咸豐時之開禁用意正屬相同而一以勸戒為義則差役之騷擾不能不先為嚴禁但有因事生風借禁烟為名稍事訛詐應聽民人呈控交涉胥差者立行拏懲交涉地方官者亦立予嚴參總期使民間實受禁烟之利而不至虛貽禁烟之害此嚴防胥吏之大端也四曰選派紳員以重稽查之責近年廣東設立勸禁鴉片烟會 臣常嘉其用心之善然出自民間私議有勸導之功而無董率之責其勢不足以振發人心應飭各省督撫 臣舉派在籍公正知事體紳員一二人使專司示禁鴉片烟之責以次責成各府州縣及學官各舉派總辦一人幫辦二三人仍由府紳總其成以達於省紳而稽考其成效亦不必設立公局開支經費但由地方官及各紳民捐資嚴製戒烟方藥分散四鄉責成各族族長稽查一族各鄉鄉長稽查一鄉督撫因即以推知州縣之奉行與否及各

府縣紳員之得力與否一除粉飾之心而坦然示以大公惻然推以至誠紳民未有不感動踴躍自爲禁止者此舉派稽查之大端也五曰明定章程以示勸懲之義竊查鴉片烟之盛行在道光中葉以後風俗人心因之日趨於澆薄水旱盜賊相承以起貽患至今是鴉片烟之爲害不獨耗竭財力戕賊民命實爲國家治亂之機一大關鍵是以道光中設爲例禁嚴刑原屬懲姦之要義立法並無稍過惟當綱紀廢弛風俗頹敗之餘法令尤嚴推行愈多梗塞不能不以整齊之令寓從容勸導之中而人心執法已甚其驟難禁革之積弊尤應明定章程以使知利病之切身而自求變計其法卽取販賣鴉片烟之例以爲禁烟之資凡運販鴉片烟土者無論城村市鎮概準盤稅加徵五倍永不停免亦責成紳員互相稽查一由盤局徵收而酌提爲製造方藥之費其各省裁種鴉粟者亦皆示限嚴禁各視土地所宜責令改種五穀其出土有多寡又有承佃及自耕之分逾期不改種二十畝以上酌提一半充公承佃者出自業戶之意全數充公出自佃民之意責成吏佃不遵辦者亦全數充公二十畝以下勒限懲責其充公之田各就其鄉添設小學及書塾由地方官督飭辦理有侵食者亦聽呈控懲辦此明定章程之大端也六曰禁革烟館以絕傳染之害鴉片烟爲害之烈尤莫甚於烟館無幾平民及子弟之無管束者莫不從烟館吸食以至積而成癮其害亦人所共知而不能禁革者在官之耳目不能敵得差之包庇也聞兩江督臣沈葆楨嚴



禁烟館皆相率移至城外以沈葆楨切實認真其力亦不過周及城內而已非責成各處士紳自相稽查萬不能有實際而非督撫及地方官有實求整飭之心亦萬不能責士紳之奉行是以自古興利除弊尤以察吏爲先在京各城司坊等官在外各州縣巡檢典史能不以收受陋規爲事禁革烟館卽亦非難此嚴禁傳染之大端也 國家興利除弊大抵交涉部務應由部臣制其準駁之權其有違犯禁令亦應由部臣派議科條編入則例惟此次禁止鴉片烟先及官紳士子本屬從前未聞之禁毋庸另立專條其禁止栽種鴉粟及開設烟館尤屢見之奏案明示例禁至於州縣差役之訛詐按律處辦已自有餘並毋庸酌增條例各海口徵收洋土稅則照舊辦理或另立章程稅釐並徵酌量增加均可及時開辦聽從販運與此次議禁大旨全無妨礙俟奉有禁辦明文卽照會英國外部漸次禁止栽種販運此時開辦之始惟當從容涵泳寬以二十年之期先官而後民先士子而後及於百姓一以漸摩勸戒爲義明示以朝廷愛養民力援拯陷溺之苦心力除苛擾與天下相感以誠其大要尤在責成各省士紳自立章程切實勸導求實效而不務虛文求眞有益百姓而不專假官勢以責近功人心具有天良無不可感動禁革者伏乞 天恩明下 臣章飭各督撫臣虛心核議實力舉行天下臣民被蒙 聖恩永無涯際誠不勝區區感激 上諭郭嵩燾等奏鴉片爲害中國擬請設法禁止一摺官員士子兵丁等吸食鴉片烟例禁禁嚴

近來視為具文吸食日衆為害愈深該侍郎等請以三年為期設法禁止著各該將軍府尹各直省督撫  
斟酌情形妥議具奏其各省駐防旗營官兵著該督撫會同該將軍酌度辦理原摺著抄給閱看將此各  
諭令知之○楊昌濬奏續修海鹽縣石塘等工估需銀數下工部知之○楊昌濬奏知府黎錦翰總辦塘  
工積勞身故請照軍營立功後身故例議卹下部議奏○諭朕奉 慈禧端佑康頤昭豫莊敬皇太后  
慈禧端佑康頤昭豫莊誠皇太后懿旨奉恩鎮國公奕訢尚未過繼有人著以奕棖之子宗室載瀅改名  
載瀅承繼奕訢為嗣封為奉恩輔國公所有應辦事宜著該衙門照例辦理○諭崇厚等奏請將克扣賑  
銀之佐領革職等語奉天白旗堡路記佐領官陞於賑卹要款擅自動用追撤任追緝始據城守尉崇善  
詳報該佐領業經如數繳清又以散放未完詳報稍遲為辭殊屬含混官陞著卽行革職交崇厚等提省  
嚴行審訊如有別項情弊卽著從嚴懲辦該部知道○諭崇厚等請將積年疏防盜案之旗界各官分別  
摘頂議處一摺奉天遼陽城防禦景安等於承緝各盜案不能認真拏獲實屬捕務廢弛防禦景安驕惰  
校責廉遠降阿均著摘去頂戴仍勒限緝拏務獲究辦毋任漏網督緝不力之遼陽城守尉文光亦屬咎  
有應得著一併交部議處○古尼音布玉兆奏朝鮮國民越界被獲解回查辦報聞○戊子諭文彬奏已  
故總督功德在民請將事實宣付史館並建專祠一摺原任四川總督吳棠業經賜卹予諡茲據該總督

奏稱該故督前在江北歷任州縣以至漕運總督治行最著輿論翕然辦匪亦多勦績著照所請卹將吳榮事實宣付史館並准於清淮徐州各建專祠以彰忠遠該部知道○庚寅彭玉麟奏前在甘肅殉難湖北候補道吳炳崐請於湖口等處水師昭忠祠附祀允之○諭豐紳等奏請飭派司員覆驗命案一摺據辦黑龍江監生王景殿京控在案福甸串委員托山將伊胞兄王景順打傷斃命作為自縊一案復經呈控覆驗不明請飭另派刑員帶領仵作檢驗等語著盛京刑部揀派司員帶領仵作前往黑龍江詳細覆驗以成信讞○辛卯雪大祀 天於 闕丘命載勛恭代行禮○諭朕奉 慈禧端佑康頤昭豫莊敬皇太后 慈禧端佑康頤昭豫莊誠皇太后懿旨悼親王等奏此次敬修 玉牒應入行款如何恭繕之處未敢擅擬請旨遵行一摺著軍機大臣大學士會同 玉牒館總裁等妥議具奏○壬辰命文煜留京供職調慶春為福州將軍以瑞聯為綏遠城將軍春福為察哈爾都統○以穆圖善為青州副都統○衛佐邦以疾免以馬復宸為廣東陽江鎮總兵劉玉成丁憂以麥龍翰為廣西右江鎮總兵○議敘文格加三級紀錄三次○翁同龢奏審明京山縣人民張玄兒誤毒業師身死並誤毒四命按律定擬得旨刑部速議具奏○文煜奏福建延建邵道及延平府同係歸部銓選之缺自咸豐七年奏改為 題部議延建邵道准加兵備銜與延平府知府改為由外調補追同治七年 奏請查看三數年後仍歸部選奉

有俞允十三年秋冬間兩次陳奏將延建邵道一缺如原議改作 題缺抑或改爲 題調要缺由外

議員酌辦均准部覆毋庸議在案伏念道府有率屬之責內選外補同一爲地方擇人卽同一用人求治

部臣疆臣並無成見惟初次改選爲

題之請固爲地方情形不同亦爲仕途壅滯堪虞現在上游伏莽

已清元氣漸復必須多得循良之吏爲之日久表率與民休養生息而閩省缺人多且無外補道缺官

至知府而止縱因捐保得升道員不過多一需次之人是先以循良而督秩者繼則以督秩而沈淪況選

缺間或有留補之期調缺更難爲越俎之計其在道府二班之向隅事猶小其因拘泥成例調補別員致

敷政者未克覓全功嚮化者未克蒙久惠所關於吏治民生實非淺鮮現據藩臬兩司詳請 奏明將延

建邵道銷去兵備銜與延平府一併改復舊章歸部銓選等由前來臣覆加查核係遵同治七年 批旨

辦理除俟准到部覆再將延建邵道關防 題請鑄換並一面咨部外臣謹附片具奏下吏部議奏○癸

巳彭玉麟奏臣往來長江道經湖北間與該處紳耆接晤據稱前安徽撫臣江忠源任湖北臬司時值武

漢市經收復招徠流亡撫輯瘡痍善後事宜盡心籌畫前署湖廣督臣張蔭桓署湖北撫臣略秉章深賴

其力旋率所部楚勇剿辦崇陽通城廣濟等縣土匪以少勝衆剋期肅清地方穩保安全功效尤爲昭著

該員殉難廬州 文宗顯皇帝篤念遠臣准建專祠其安徽江西及湖南原籍皆已次第修建而湖北亦

該員立功省分祠祭未舉思念難忘等語伏思江忠源陳臬鄂中在咸豐三年春夏迄今二十餘年治績戰功獨傳與誦立祠崇祀允洽人心合無仰懇 天恩准於湖北省城建立江忠源專祠如蒙 俞允查武昌城內蛇山之麓曾國藩祠之左爲河南會館祠之右爲三忠祠祀羅澤南李續賓李續宜三人應請卽於其間並添江忠源木主江忠源爲曾國藩所保薦平日以忠孝氣節互相砥礪羣賢畢至洵堪永安乎幽靈 曠典優加兼冀振興乎風尙又前湖北撫臣胡林翼撫鄂之日整頓吏治清釐漕政誠懇果斷規畫久遠不分畛域決策東征轉餉調兵躬任艱鉅卒成東南戡定之功與曾國藩羅澤南等請學則同方同衛討賊則同力同心臣時從事行間見其報國之誠和衷之雅實足以敦薄俗而表人倫曾國藩祠宇寬廣毗連會館歲時祭祀藉資觀感擬添造一龕並立胡林翼木主於中庶湘中人士既獲展敬恭宗仰之思而來觀者益作其忠義勇敢之氣又前湖北撫臣陶恩培咸豐五年二月因武昌城陷殉難同治三年前翰林院侍講高廷祐奏請於湖北省城建立專祠奉 旨允准以購基創造所費不資至今祠尙未建查黃鶴樓側原建胡林翼祠後湖廣督臣官文祠卽附其內擬請將陶恩培木主一併附入分龕合祠經費無須另籌而忠魂並邀俎豆或冀仰副 聖主獎勵忠義之至意得 旨如所請行○乙未諭宗人府奏應給輔國公官員甲數請旨遵行一摺奉恩鎮國公奕詢之承繼子載澤已封爲奉恩輔國公其

應有官員申數著卽照輔國公分內應得之數給與○丙申諭李元華奏已革知州更名就幕請驅逐回籍等語山東藩署幕友李晴川本名李鏡清曾任山西澤源州知州因案參革復潛來山東謀充幕友希圖招搖殊屬不安本分李晴川卽李鏡清著卽驅逐回籍不准逗遛○嗣諭湖南臨縣東西南三鄉被水田畝錢糧○戊戌左宗棠奏自烏魯木齊進化州兩城俱下卽擬乘勝進規南疆因會攻瑪納斯城凱旋收隊大雪封山未能急進改以今年春融爲師進兵次第一遵原議總理營務三品卿銜布政司銜西甯兵備道騎都尉世職法福靈阿巴圖魯劉錦棠於三月朔由烏魯木齊進嶺而南先攻達板城賊巢分軍會攻吐魯番記名提督雲騎尉世職哈西巴巴圖魯徐占彪由穆家地溝西南進入山排搜與嵩武軍分統記名提督傅奇巴圖魯孫金彪會師鹽池先攻七克騰木接攻闢展下諸城堡以攻吐魯番總統嵩武軍廣東陸路提督騎都尉世職加一級雲騎尉世職霍欽巴圖魯張曜由哈密西進以五營交孫金彪進駐東西兩鹽池親率大隊繼進疊據張曜徐占彪馳報徐占彪會商孫金彪以七克騰木地方爲吐魯番門戶築有堅壘賊所必爭應乘其不備迅圖拔取三月初五日徐占彪飭提督何玉超宋賢聲總兵黃祖福率馬步三營度戈壁前進初六夜抵離七克騰木二十里之張家卡賊壘更鼓地懈何玉超等卽飭步隊勇丁由壘北爬入內外號鼓齊發賊始驚起黑夜倉皇奔逃馬隊邀截於外殺賊頗多初七日何玉

超等率隊進攻七克騰木初八日徐占彪督後隊至哺時分三路進攻徐占彪率隊齊至四路猛撲呼聲震天號鼓雷動賊奪門而出徐占彪所部鎗斃紅衣賊目一名賊賊膽落無心戀戰向關展狂奔徐占彪孫金彪督隊急追沿途斃賊約百餘名生擒五名奪獲旗幟鎗械數十件馬十三匹初九日乘勝進攻關展甫至城邊賊望風西遁兩軍躡剿斃賊三百餘名生擒三十餘名孫金彪所部擒安集延賊二十五名內有賊目一名才米邪斯均訊明斬之奪獲鎗械百餘件驢馬二十四頭此三月初六初八初九日連克賊壘收復關展城獲勝之情形也訊據賊供安集延頭目調關展一帶賊眾踞六百慶勝金台等處俟官軍前進併吐魯番守賊與官軍併死一戰等語徐占彪孫金彪會商率隊分路前進十二日徐占彪行抵魯克沁城賊見官軍至出城迎戰揮馬隊衝之賊稍卻步隊繼進鎗轟矛刺賊不能支向西遁去孫金彪至連木沁台壘賊紛紛出竄擒斬數十驢蹤緊追至勝金台該處新築土城一座踞賊數百齊出抗拒孫金彪率馬隊步隊奮衝擊斃賊甚多生擒數十名內安集延賊二十三名奪獲鎗械數十件兩軍仍會合於哈拉和卓城東守賊倉皇出奔追剿頗衆十三日會師前進行至距吐魯番十里守卡賊併車路敗竄之賊列陣抗拒徐占彪從左路進孫金彪從右路進步隊大呼突陣鎗矛並舉賊殊死鬪乃麾馬隊分兩傍抄襲賊陣始亂紛紛潰竄兩軍緊追至城邊賊傾巢出拒敗賊復回戈擲關正酣戰間道員羅

長祐分領湘軍馬步倏自北路馳至賊益駭愕不知所爲三軍合勢夾攻斃賊無算敗賊向西路狂奔各軍緊追數十里沿途擒斬亦復不少怕夏所立阿奇木僞官馬人得乞降軍前孫金彪受之送羅長祐訊明處治即各收隊分駐吐魯番兩城本地鄉回萬餘跪地乞命羅長祐徐占彪孫金彪遂加撫慰各令復業此三月二十三等日攻拔魯克沁城連木沁台勝金台哈拉和卓城會克吐魯番滿漢兩城之大概情形也劉錦棠三月初一日由烏魯木齊率馬步十九營踰嶺而南初三日進攻達板城即囑勝營乘賊不覺已合長圍分五營交羅長祐帶赴吐魯番會剿其達板城戰狀尙未據稟報前來緣賊膽由烏桓驛站馳遞輟由吐魯番遞肅遠逾千里不能速也謹將會克吐魯番大概情形先行馳報其達板城戰事及會克吐魯番詳細情形容俟劉錦棠稟報到日再行具奏合併聲明又奏准軍機大臣字寄光緒二年十二月二十三日奉 上諭保英奏科屬賊匪竄擾現在探剿一摺據稱十一月初七日差員松秀等營解官駝前赴金順軍營行抵科布多屬之扎哈沁鄂隆布拉克台忽有騎馬回匪百餘名各持洋鎗等械將官駝行裝等項全行搶劫該台駝馬亦被搶去大半等語烏魯木齊瑞納斯各城已次第克復據左宗棠金順等奏賊匪追所無遺何以尙有洋鎗騎馬回匪恣行搶掠此股賊匪究由何處竄去著左宗棠金順立即探明認真剿捕毋任餘孽竄擾爲患等因欽此臣查上年十一月據前署巴里坤總兵周有才



委辦糧局道員王詩白稟稱十月初八日巴里坤西距穆家地溝十五里沙河子及三泉驛有零騎竄賊旋復逆颺頃烏魯木齊領隊大臣錫綸由古城來省詢及去冬竄擾科布多賊蹤據稱賊祇六十餘騎係由穆家地溝竄出經木壘河奇台縣運東向科布多嗣又由古城運西三台滋泥泉向南山竄歸吐魯番攷其日月當即保英所奏十一月初七日竄科布多屬扎哈沁鄂隆布拉克台搶掠之百餘賊此股零騎實無百餘之多其由滋泥泉畜牧地中間返竄吐魯番也本年正月據管帶靖營馬隊總兵方友升稟報截擊於南山口斃十餘賊而奪其馬亦僅稱騎賊數十而已竊天山白烏魯木齊盤折起伏至古城巴里坤哈密一帶山之左爲回部右爲準部疆互二千餘里山烏魯木齊至古城以南北爲界崑山古城至哈密以東西爲界貴自官軍克復畜牧地烏魯木齊迪化州昌吉綏來諸城餘賊敗歸南路其北路東路運道早就安謐實無成股出犯之事然沿山二千數百里徑路紛雜零騎伏伺山梁乘間突出劫掠則實有防不勝防者雖分營扼要布置護運道則不能兼顧營壘顧營壘則不能兼護運道官運車駟商民車駟因而失事者有之上年冬臘之交其患尤甚臣微調捷中捷左兩旗步隊及新練精騎兩起馬隊赴巴古之交劉錦棠派馬步各營分駐古城運西一帶嚴爲防護然後運道漸暢查賊竄北路以南路之達板托克遜爲南路總要賊竄東路以西路廟展七克騰木鹽池爲來路總要張曜前以東西兩鹽池有營扼

紮則巴古中間防務漸可解嚴先飭提督孫金彪帶馬步四營駐之臣前檄飭劉錦棠張曜徐占彪三路進規南疆均排授而前原爲斷賊來蹤起見復飭提督鄒金本率捷中旗總兵陳國珍率捷左旗提督范銘率白馬營各步隊提督丁桂智副將王玉林率精騎兩起馬隊及巴里坤鎮標兵丁防護巴古運道其自古城進西至烏魯木齊飭提督金運昌率所部卓勝全軍馬步分撥延紮似此防剿并籌布置密則回通游勇之思可以無虞而前敵各軍無憂後顧所有各騎竄擾科布多屬境布置防剿情形謹據實覆陳上諭軍機大臣等左宗棠奏官軍會克吐魯番兩城大概情形并派兵分防北路各摺片本年三月間道員劉錦棠等會師進取南路提督徐占彪及嵩武軍提督孫金彪分道并進疊克七克騰木蘭展等處進佔吐魯番城劉錦棠派遣員羅長祐帶兵繼至合力夾攻殲斃無算賊向西路狂奔僞官馬人得乞降解散纔回萬餘黨將吐魯番兩城收復剿辦尙稱得手劉錦棠由烏魯木齊進兵直攻達板賊巢已合長圍諒亦不難攻拔現在敗賊既向西竄自必與逆酋相戕磨聚托克遜一帶以圖抗拒著左宗棠一面飭令劉錦棠迅將達板賊巢攻克卽行統軍前進一面飭令張曜督率全軍與徐占彪一軍會同布置乘此聲威速籌進剿以收拾穴擒渠之效其北路巴里坤古城一帶時有零星出竄左宗棠已撥馬步各隊分路防剿尙屬周密著卽督飭各營認真嚴防遇有竄賊隨時搜剿淨盡毋任滋蔓將此由六百里諭令

知之○諭軍機大臣前據左宗棠奏籌調卓勝軍以金運昌西來距皖愈遠每月半餉難再由皖省解濟由鮑源深與該督分任其半當照左宗棠所請諭令督省籌解半餉皖省毋庸撥解茲據該督奏稱金運昌全軍現抵烏魯木齊分布古城各處餉項缺乏無款可墊請催督皖兩省迅解該軍欠餉并依時起解月餉等語昨據鮑源深奏請停解卓勝軍半餉業交戶部議奏現在金運昌移軍西進需餉孔亟該督所任一半月餉自應遵奉前旨竭力籌給督省應解該軍一半月餉在戶部未經議覆以前亦應設法撥解至安徽山西前欠該軍餉銀并著裕祿鮑源深迅籌解濟毋稍延緩將此由四百里各諭令知之○左宗棠奏欽奉 寄諭翰林院侍講張佩綸奏請抽調旗丁屯田新疆一摺據烏魯木齊等處亟應興辦屯田以固邊防及三便三利各情形是否可行并如何辦理之處著左宗棠通盤籌畫妥議具奏原摺著鈔給閱看欽此跪聆之餘敬仰 皇上因時損益執兩用中至意服莫名比將張佩綸原奏詳加閱看並酌度事宜求可見之施行要諸永久者略陳之以備 聖明採擇竊維張佩綸原奏雖本開屯實邊立言而實則爲八旗生計愈艱亟籌因時制宜起見謹按八旗生齒日繁甲分有定 國家以有定之錢糧養無限之丁口勢必有時而窮從前舒赫德孫嘉淦富俊英和諸臣先後條陳及之老臣深謀遠慮固已預爲綢繆而究無成效可睹中外臣工且以寧礙多端人情不便爲慮雖見諸施行者非無故也八旗

官兵係出 國初勸商環衛 京師體制餉糈較綠營爲優而營運滋生之策則較綠營爲細綠營兵丁  
餉糧雖薄應名差操之暇可備雇謀食手藝營生辭糧退休尙能自食其力八旗之聰明俊達者爲士勇  
敢強壯者爲兵惟在致身仕途博廉俸爲仰事俯畜之計無官祿者或傳習經史教練弓馬以其所能食  
於人已耳然不習行商服賈之業不知服田力穡之勞不諳匠作工師之技於世之所謂四民者僅可名  
之爲士而農與工商無與也日荒於嬉惟慢游自便望其食力營生俯仰足給豈可得哉又況逸廢之久  
山昏情而長惡緣才者浸成廢才愚者或流於匪僻不僅飢渴之足爲心害也於是懷久遠之慮者急思  
有以拯之而移屯實邊諸議以起然事體終多窒礙人情未免疑沮者約有數端八旗子弟扈從入關除  
駐防各省外均萃居都中例禁無故遠出近雖允其游宦四方隨在隸籍而或以選補升轉之遲速考試  
錄取之難易京旗視外省爲優未肯舍之遠去一也都居既久墳墓廬舍在焉賴祭產薄田住宅以給週  
粥而蔽風雨一旦捐棄便致茫然二也少小卽無執業口分而外不名一錢今既離故居而適新土舉目  
無依縱口分照常支給設有窘苦誰與賑恤設有緩急誰與通融三也四民之業惟農最多亦惟農民最  
爲勞苦大凡以農世其家者子弟俟成童後責其牧牛拾糞成人以後習鋤耨耕穫牽車扶犁之事故童  
而習之壯而稱良老以傳家也八旗官兵平時未親耒耜未知種植之宜未習農家諸務驟驅之隴畝以

爲農之效正恐耕也而餒在其中重煩籌濟四也此窒礙疑沮之見於旗籍者也外省民事均責成各屬州縣監之以道府董之以兩司而督撫總其成今以旗員領旗兵雜民耕作兵與民不能耦居無猜官與官難言同舟共濟調停之術偶乖則箕帚鋤耰動成嫌隙錢穀交涉易啟猜疑誠恐於八旗生計無補而各省地方有司徒增煩累移屯之難一也移旗籍而興屯事遷徙路費及到地修造廬舍製辦耕具採購牛籽糧料一切需費甚繁邇值部庫空虛洋防塞防待用孔亟且鉅更增此款時絀難贏中外無從設措移屯之難二也此窒礙疑沮之見於官兵者也竊維張佩綸原奏移屯實邊諸策爲 國家節經費爲八旗裕生計爲邊域固封守洵爲濟時要務終難廢格不行部臣疆吏諠在奉公豈宜苟安目前置遠猷於不顧如果盡心協力阻勉圖維行之以漸持之以恆亦未有爲其事無其功者八旗世居都下本取居重馭輕之義今議散之西陲移腹心之寄置諸股肱於初制似有未協新疆距京師萬里而遙遷移需費甚鉅創行之始百務艱難到地興屯數年之間耕種未能速著成效臣之度隴也首以屯田爲務師行所至相度形勢於總要之處安設營卡附近營卡各處戰事餘閒卽釋刀仗事鉏耨樹藝五穀餘種蔬菜農功餘閒則廣開溝洫興水利以爲永利築堡寨以業遺民給耕具籽糧以賑貧苦官道兩旁種榆柳垂楊以蔭行旅自臣以下至營哨各官於駐營之地日巡夜省以勞來而勸勉之時逾八九年流亡漸復客作漸

集所有兵屯之地盡付之民緩催科而急儲峙自涇州以抵嘉峪大道兩旁各屬州縣附近地方居然井  
甽相近而鄉野尙未能遽復舊觀蓋隴上本土曠人稀邊塞又多沙石不毛之地也所以多廢時日稍著  
薄效者由徵臣家世寒素耕讀相承少小從事隴畝於北農南農諸書素喜研求躬驗而有得所部楚軍  
向用農家不收游手其將領又多由傭耕作苦而來故以其所習課其所能不煩教督而自勸至所屬蜀  
險准各軍則固未能一律繩之若以八旗不士不農之子弟散之邊陲驅之隴畝竊慮於八旗生計無所  
裨益而於國計邊儲則又有所損臣固不敢以爲然再四思維若本張佩綸之意而舉行 畿輔水利不  
但無其損且有其益請得而畢陳之直隸水利自虞集始徐貞明潞水客談言之至爲詳盡明代或作或  
輟迄鮮成功 國朝畿輔水利四案如怡賢親王之苦心經營固已功在民生而誦其遺烈者惟廣平府  
屬磁州溝洫依然歲獲豐稔餘則蕩蹟湮沒難以覆按矣論者謂當時議興水利爲植秬稻計壯農方以  
需體塗足爲苦又以稻非食用所需銷售不若麥豆雜糧之廣輿情不以爲便故法良意美終扞格而不  
行者專行溝洫之政聽民自種豆麥雜糧則因所利而利之其被潤澤而大豐美傳之久遠者當不僅磁  
州已也今直隸旱澇頻仍水利之興修宜急八旗子弟雖難驟卽田功但令其親畚鍤溝洫當不以爲  
苦且散布於 畿輔之間工作餘閒仍可演習武藝有事一呼卽應於居重馭輕之義更有攸宜況操作

勤而筋力健無難復健昔收龐純固之風異時頗牧之儔或可仍於禁旅求之矣其大姿穎性能讀書者聽其照舊應試捐納官職者隨時分發各省試用照現行事例而尤寬之其次發赴各機器局學習製造增益其所不能上者可望異時專門名家之選下者執藝事以食於人不至倏忽無成坐廢五穀是爲八旗籌生計之所從出於士之外增農與工兩途生計固可裕也直隸郡縣均 畿輔近地遷移之費無多旗兵每月餉糧應卽由神機營直隸總督分給其山神機營派出者神機營各以其應得口分照舊開放由八旗派出者直隸總督酌提三口燈稅及酌撤客車騰出之餉照神機營例章一律開放神機營與八旗既各撥官兵移屯直隸先興水利該官兵等每月應留若干爲贍養家口之需若干爲本身赴工食用衣服之費應由神機營八旗傳詢明白酌定以歸劃一其人數多寡神機營與八旗約略相等間起赴工到工則專由直隸總督遴派官委管束分段課功獎勵責怕與齊民等神機營與八旗都統不復過問庶幾心志定而工作勤自有成效可期也逮直隸水利漸興八旗子弟漸習勞苦工作風氣漸開資其長爲農夫亦將安之若素直隸直東荒歉地畝固可就近安插作爲世業卽山西陝西甘肅迤北地方水草豐美可耕可牧之區亦可識漸次移屯矣至新疆土曠人稀地多饒沃張佩綸原奏尙有徵引未及者臣前聞故雲貴總督林則徐當遣戍時大興伊拉克水利前伊犁將軍曾奏請加新賦二十萬兩有奇情

其取之太多今畫其地在吐魯番托克遜之間土名亦拉里水田甚多已屬劉錦棠張曜訪察其詳具報大抵東自木壘河起迤古城濟木薩而西三台滋泥泉阜康抵宣化州吉昌綏來再西至伊犁壤地肥潤種一石可穫數十石較之巴里坤哈密各城礦瘠薄收奚翅數倍方今新疆北路除伊犁外已一律肅清漢回土著子遺僅存屯務難以復舊誠移八旗丁壯屯於新疆事之便利勢之可乘無踰此者特慮以未習農務之人驟處之艱難新復邊遠闊絕之地於生計未能裕於國計未能節而邊防亦未能藉以爲重不但勞費可惜已也若先修直隸水利徐議移屯新疆似於事體尙無窒礙於人情亦免疑沮諭旨飭臣通盤籌畫敢不披瀝愚忱爲吾皇上一一敬陳之可否請飭下神機營王大臣八旗都統會同戶部廣諮博訪定議具奏以期妥慎伏乞皇太后皇上聖鑒訓示施行上諭另摺奏議擬張佩綸條陳移屯寶邊一則已諭令李鴻章等體察情形妥議具奏矣○己亥子孝子前刑部郎中王恩壽旌表○辛丑成瑞以疾請解署任允之以博昌爲烏魯木齊提督○癸卯左宗棠豫師奏護送回藏貢使過境報聞○諭御史唐樹楠奏災區緩免錢糧吏胥舞弊請飭地方官認真辦理一摺上年湖南鄰縣地方被災會降旨將應徵錢糧分別蠲免除茲據該御史奏稱各府州縣於被災緩免徵收各事宜辦理不能核實致有朦混挪移訛詐諸弊亟應申明儲章田畝額銀各註本村本甲不准飛糧報災時造具花戶名



冊俟撥准後將緩免銀數臚列冊內備查糧書禁用空白活串開徵之前先造實徵冊填寫花名銀數收糧時按名比銷成災之戶串面另鈐戳記以免互混請飭湖南撫臣查明整頓等語朝廷綢繆緩糧賦原期實惠均霑以紓民力若如該御史所奏吏胥剽弊已深恩膏不能下逮殊屬不成事體著王文韶督飭各府州縣認真整頓以杜弊端此等情形恐不獨湖南爲然並著各直省督撫等隨時查察力除積弊用副軫念民艱至意○乙巳翁同龢奏需用軍火動支耗羨下該部知之○丙午賞希元果勒敏紫禁城內騎馬○春福奏移撥青州官兵赴杭補額下部知之○鮑源深奏督省向稱財富之區實則民無恆業多半攜資出外貿易營生自經東南兵燹生意虧折富者立貧元氣大傷其係種地爲業僅十之二三又兼土非沃壤產糧本屬無多卽在豐年不敷民食必須仰給於鄰省近數年收成歉薄上年春夏亢旱其成災處所民食固屬維艱卽未經成災者亦非裕足本年入春後迄未透雨省北地氣較寒佈種少遲人心尙不十分憂急省南地氣甚暖向以秋後種麥刻值青苗長發之際出土僅一二寸許已就枯槁眼見收成難望人心咸切驚惶以目前荒狀而論太原汾州平陽靈縣爲最甚蒲解絳稍次之自冬及春各該地方官倡捐撫恤並勸諭殷實各就村鄰互相賑貸原冀春雨依時可接麥熟詎意亢旱日久官民捐賑力均不支到處災黎哀鴻遍野始則賣兒鬻女以延活繼則挖草根剝樹皮以度餐樹皮既盡亢久野草亦不

復生甚至研石成粉和土爲丸飢餓至此何以成活是以道旁倒斃無日無之慘目傷心興言欲涕際此情形緊迫若拘泥定例俟奏奉 恩准賑施再行舉辦則億萬生靈嗷嗷待哺深虞緩不濟急爰不揣冒昧已飭司轉飭太汾平滯糧縣解絳府州屬各就倉儲穀石酌量開放在於城鄉村鎮分路給賑務竭心力實惠及民不准假手吏胥致滋弊竇以廣 皇仁然此究皆權救眉急若爲時再久倉穀亦有罄時惟冀仰副 聖主如天之福速沛甘霖庶夏麥略有可收秋禾得以播種南路藉資救濟北路可免損傷誠爲萬幸倘再遲遲不雨生機將盡飢窘情形必更不堪設想果至於此不惟上忙錢糧勢難照常開徵且不得不另籌賑濟之策當此部藏空虛何敢請頒 內帑應如何籌備鉅資分赴鄰封採買接濟查現在庫司別無閒款僅存上年下忙尾數錢銀三四萬兩卽懇 恩准予截留作爲買穀之資亦爲數無多於事鮮濟五中焦灼寢饋不安惟有率屬齋戒虔誠早夕祈禱並通飭清監獄減免差徭冀迓甘和以蘇民命但得 天心仁愛一分勝於人事神救百倍特望諸天者殊不可必而籌於人者刻難緩圖 臣雖病軀蒙 恩開缺行卽交卸而目擊民生飢苦情形如此何敢稍存漠視不亟求拯救之方所有未及 奏明先行開倉賑濟緣由相應據實陳明其開放穀數容俟事竣咨部核銷其餘各屬目前荒歉略輕應否發倉賑濟及上忙能否分別開徵如何籌款買穀以備接濟之處未能遽定 臣當督飭藩臬兩司隨時察

看緩急再行酌量奏明辦理合先將現在迫不及待開倉賑濟情形謹專摺具奏報聞○丁巳呂奏臣上年巡查臺北經過駐紮地方據該兵丁數十名揭與喊控自光緒元年十二月起餉銀均未給發當即傳訊駐紮營參將李榮升據稱僅欠元年十二分餉銀因前署守備李仰山及現任守備鄭鴻卿交代轉帳不清營款致有挪動現奉飭查已山該守備等趕緊籌措補給清楚等情臣查元年十二分餉銀何以遲至一年之久不行散放既有交代不清又何以不早稟明分別參追該兵丁僅欠一月之餉輒捏詞脅騙防家呼號亦屬毫無紀律所有弁兵均難辭咎相應請旨將前署駐紮營守備留閩儘先補用游擊李仰山專防千總毛錦新因行革職現署駐紮營守備儘先補用守備鄭鴻卿摘去頂戴其滋事各兵行提來郡飭令鎮道訊明酌量懲辦以肅軍律得旨如所請行○戊申何璟奏撫卹琉球遭風難民報聞○己酉諭瑞聯奎昌奏署任同知欠放兵米並擅改折色請旨摘頂等語張家口駐防滿洲蒙古官兵月支粟米向係採買支放乃署理張家口理事同知成錦任意遷延又復擅給折色實屬玩泄成錦著摘去頂戴飭令將應放兵米迅速開放不准顆粒拖欠倘再遷延即著從嚴參辦其欠放兵米之前署同知常陸著交部議處由該旗勒追米石以重兵食○諭瑞聯等奏張家口駐防營房塌工請仍飭直隸總督派員勘修一摺張家口應修各營兵房及護營石土二壩既據瑞聯等奏稱委員勘估前後價值懸殊該

處各員不諳工程恐滋貽誤亦屬實在情形此項工程仍著李鴻章派委委員前往勘估趕緊興修以昭核實○庚戌賜王仁堪等三百八十六人進士及第出身有差○延煦奏帶印公出查勘園場情形報聞○辛亥文彬奏編修顧雲臣懇請終養允之○諭古尼音布等奏屬官匿案不報請旨革職一摺吉林伯都訥驛民高真明殺死高真注一家十一命兇犯脫逃該屬官祇授業經驗明延至三月有餘並不通詳追經該將軍等訪聞撤任飭查始行補報實屬有心諱匿署伯都訥理事同知斌綬著卽行革職以爲玩視人命者戒○鹽紳等奏奴才等曾於上年八月十四日准江蘇巡撫咨稱前據刑部奏遵議劉坤一等奏審明已革總兵詹啟綸主使毆斃人命一案奉 上諭已革總兵劉福興著發往黑龍江當差並著黑龍江將軍嚴加管束等因欽此欽遵咨照前來茲於本年三月十二日准伯都訥副都統衙門派員將劉福興轉解到戍當卽接收嚴加管束報聞○壬子以已革臺灣北路協副將林珠復圖撞騙發軍臺効力贖罪○左宗棠奏裁甘捐總局報聞○癸丑王文韶奏前統精捷營陣亡道員鄧子垣新甯本籍專祠成同時陣亡將士唐遵珍等一併附祀報聞○李鴻章奏護送越南國使臣赴京進貢報聞○是月奧大利亞國使臣史福禮回國由德使巴爾德暫代